

credens N
ilas 3

28,570/B

Rept from FRANK, J.R. Del. twa]

HERZ, S.
c

Digitized by the Internet Archive
in 2016 with funding from
Wellcome Library

SIM. HERZ,

D. M.

OBSERVATIONES

DE

FEBRIBUS NERVOSIS.

M. Luigi Longoni

179

si modo fides, quae historiam imprimis commendare debet, non desit, non aliquid utilitatis expectari possit.

*Medicinam facio in Ucero-Marchiae metropoli, Primislavia dicta, ubi nec tam ampla quidem medico contingit occasio institue-
ndarum observationum, nec multiformes &
monstri similes occurrunt morborum cohortes:
interim tamen haud raro obvia extant exem-
pla, quorum praecipua memoriae tradere haud
indigna videntur.*

*Non dedignabuntur igitur, spero, aequi
medicarum rerum censors meam operam, si,
quantum otii mihi supersuit, februm nervo-
sarum observationibus aliquam curam impen-
derim. Occasionem maxime praebuerunt exem-
pla, quae mihi obvenierunt haud pauca: histo-
rias morborum studiose conscripsi, HIPPO-
CRATIS aphoristicam dictionem sectatus, at-
que recentiorum in praxi versatissimorum vi-*

rorum observationes diligenter evolvi, & inter se comparavi: quae haud parvam mihi iniiciebant suspicionem, febres recentiorum nervosas cum illis, quae ab HIPPOCRATE, aliisque nostrae aetatis nonnullis, qui ab Hippocratico vocis usu haud recesserunt, maligne nuncupantur, magnam alere cognationem, & quidquid industrius in facienda medicina COUS in praenotionibus suis aphoristica licet brevitate de febrium malignarum symptomatibus, harumque eventu proposuit, & attente collegit, febribus sic dictis nervosis facile accommodari, & ad illarum cognitionem conferri posse.

Praeterea haud indigna videtur mihi attentione haecce contemplatio, viam parans simul expeditam ad eruendam clarius, universaliusque existentiam, quam vulgo vocant, indolemque veram malignitatis notionis; quae celeberrimos inter medicos dissensui, erroribusque nascendis occasionem praebuit.

Hoc igitur consilio prodeunt hae observationes: quae, si forte non displicebunt, impellent me, ut, si neque animus, neque otia ad scribendum defuerint, in plerisque morbis mihi occurrentia, memoratu maxime digna, accuratiusque elaborata, in publicum aliquando emittere constituam.

Dabam Primislaviae mense Ian. 1789.



O B S E R V A T A
 Q U A E D A M
 A D S I M I L I T U D I N E M
 N E R V O S A E F E B R I S
 C U M
 M A L I G N A S P E C T A N T I A :

Febbris nervosa, postquam nova plerumque aptiora nomina plerisque morbis a recentioribus, nostraeque aetatis scriptoribus imposita sunt, etiam huius febris nomine immutato, ita medicorum observationibus illustrata est, ut non desit absolutissima eius historia apud MANNINGHAM *a)* LANGRISCH *b)* HUXAM *c)* HOME *d)* GLASS *e)* VOGEL *f)*

a) The sympt. nat. and causes and cure of the febricul. or little fever.

b) The modern theory and pract. of phys.

c) Opp. ed. Reich. T. I. & T. II.

d) Princip. med.

e) Comment. de febrib.

f) Praelection.

SELLE g) aliosque nec paucos, nec incelebres. Hanc sub τύφος nomine ab HIPPOCRATE descriptam censet SAUVAGESIUS. Ab hoc tamen discessit cl. VOGELIUS,, quod si enim, inquit, a praemagna imbecillitate recesseris, quam HIPPOCRATES adscribit suis typhs, nihil commune illae habent cum nostra febre, seseque inprimis ingenti ardore & breviori duratione ab hac distinguunt “ b).

Et profecto, si illa, quae de typhs scripta leguntur apud HIPPOCRATEM, perpendantur, & cum febrium quarundam symptomatibus comparentur, multo verosimilius videbitur, non de febribus hodie sic nominatis nervosis, sed de morbis, putridis febribus similis, ibidem agi.

Nam, de typhs agens, sic loquitur,, invadit aestatis tempore, cum canis sidus oritur, bile per corpus agitata. Statim igitur cum febres vehementes corripunt, & gravis ardor & cum gravitate imbecillitas, crurumque ac manuum impotentia, quae nullum ei usum praestant, venter perturbatur, & quae ex eo

g) Pyretolog. method. & ej. neue Beiträge &c. Iter Theil.

b) L. c. §. 56. p 39.

dimittuntur graviter olent, vehementiaque tormenta accedunt &c. *i)* “ Alium pariter typhum ortum suum trahere dicit, cum bilis putrefacta cum sanguine per venas & articulos permixta fuerit “ *k)* iterumque alium, cum corporis humidum putrefactum, & plus aequo refficcatum fuerit; *l)* & quod attinet ad illum typhum, ubi eo laboranti, totum corpus interdum intumescere *m)* “ dicitur, id sane a febre nervosa hodierna alienissimum est. Quare probabile utique est, quod de typhis ab HIPPOCRATE notatum fuit, non ad nervosam febrim spectare videri, neque quem ad febris nervosae speciem refert cl. HUXHAM, morbum cardiacum CELSI, huc pertinere, idem VOGELIUS confirmat, quum febrilis morbus plane non fuerit “ *n)*.

Omissa vero huiusmodi qualicunque disputatione, illud vere certissimum est, quaecunque de malignitate passim in febribus edixit HIPPOCRATES cum symptomatibus febrium

i) De internis affectionibus, edit. Foes. Francofurt.
1621. p. 553.

k) Ibidem p. 554.

l) Ibidem p. 555.

m) Ibidem p. 553.

n) Ibidem l. c.

nervosarum convenire. Prius vero, quam ad ulteriorem huius argumenti recensionem progrediar, malignitatis vocabulum, quod continuo fere in ore habemus, cum hac in re cardo totius negotii versatur, aliquam pensitationem meretur. In Galenicis definitionibus medicis malignum morbum appellatum invenio „ vi quidem maximum & difficilem, imaginatione imbecillem, certum iudicationis tempus non habentem “ o) quoad summe BOERHAVII opinionem circa malignitatis notionem, ii dicuntur morbi maligni „ qui subito vires destruunt “ p) cl. de HAEN statuit, morbos esse malignos „ quos symptomata insolita, aut solito graviora & numerosiora comitantur “ q) apud celeb. GAUBIUM malignus morbus habetur „ qui insidiosè mitis, sub phaenomenis non ominosis aggressus, ex improvise gravissimis symptomatibus naturae vires opprimit; alias & talem, qui praeter morem suum inusitata symptomata turbasque vehementiores, quam quae naturae eius con-

o) Pag. 544. ed. Basil.

p) Vid. ej. prael. in inst. med. cum not. Halleri Tom. VI. p. 92.

q) Rat. med. Tom. III. cap. I. p. 4.

venire videantur, excitat. Denique & refractarii, qui expertorum quoque remediorum vires eludunt, ac curatione vel magis exacerbantur, huc referri solent “ r) cl. ELLER omnem malignitatis naturam, qua morbus febrilis vehemens per contagium propagari, & epidemice grassari solet, s) consistere asserit. Celeber. STOLLIUS „ nulla dari pathognomica malignitatis signa, nullamque eius definitionem condi posse, nec ullam existere malignam febrem, quae specifica sit & sui generis “ t) opinatur. Sunt etiam nonnulli, qui nullum inter febrem malignam & putridam discrimen ponere videntur. u) Plerique tandem e symptomatum magnitudine malignitatem diiudicant, & quibuscunque febrium ge-

r) Institut. patholog. med. §. 876.

s) Obs. de cognoscend. & curand. morb. Sect. VI. p. 112.

t) Rat. med. T. II. p. 22.

u) Vid. cl. HUXHAM. l. c. T. II. p. 100. & cl. PRINGLE über die Krankheit einer Armee, cap. 7. p. 270. Summi inter Anglos viri promiscue hanc vocem ita assumunt, in hanc opinionem & inclinare videntur cel. TRALLES „ virium, quae terreis remediis &c. adscriptae sunt, exam. rigoros. “ Cap. XIX. p. 365. & cl. TISSOT Sämmtliche zur Arzneykunst gehörige Schriften 1. r Theil. Cap. 17. p. 245.

neribus interdum supervenire existimant. *v*) Dolendum sane est, quod ex omni harum longe diffidentium definitionum vel descriptionum censu vix una alterave cum alia convenientiam habet, & tam infeliciter cessit viris, tum doctrina, tum studio, ad hanc rem satis instructis, ut parum ad severiorem rationis normam accedat. Sed huic de malignitate arduae disputationi medicas tandem manus adhibuit vir studii atque ingenii magnitudine admirabilis, clarissimus BALDINGER, qui medicorum dissensum, celeberrimorumque practi-
corum errorem in definienda malignitate videns, malignitatem in morbis ex HIPPOCRATIS mente per recentiorum irritabilitatem & sensibilitatem illustravit, *w*) februmque malignarum symptomata ex coacis adeo sollicitè collegit, ut, quicunque omnibus praec-
iudiciis immunis, attente monumenta haecce

v) Cont. cl. WEIKARD. Vermischte medicinische Schriften 2tes Stück p. 246. Sic. Io. VEITZ pyretolog. pract. p. 9. inflammationes malignas dicit, „ si sanguis post multas venae sectiones semper pleuriticus, pulsus semper durus sit, si inflammatio totum viscus vitale occupat, si corpora cacochymica invadant. “

w) Vid. hui. viri libellum, qui inscribitur Opuscul. med. Goetting. 1787. ad progr. V.

legerit, quae non modo simplicitate sua le-
gentis studium excitabunt, sed evidentia etiam
assensum extorquebunt, non amplius dubius
haerebit, nec in putrida febrium indole, *x*)
nec in colluvie biliosa, aut in diathesi quadam
phlogistica malignitatis characterem ponendam
esse, proprium vero morbi genus constituere
febrem malignam, cuius ratio in systemate
nervoso latet; nihil enim illustrandis sympto-
matibus magis consentaneum est, quam uni-
versali cuidam systemati, cuiusmodi nervosum
est, sedem adscribere, laesamque irritabilita-
tem & sensibilitatem accusare: *y*) sunt enim

x) Conf. etiam cl. SCHROEDER dissert. de fe-
brium putrid. different. in §. V. in eius opusc.
cur cl. ACKERMAN, qui sequentia habet.
„Quicumque modo enumerata malignitatis signa
cum symptomatibus febris putridae comparave-
rit, magnum inter haec facile reperiet discri-
men, ad malignitatem ideo constituendam, nul-
la requiritur humorum putredo, nec ad febrem
putridam malignitas, & cl. RAHN. Advers.
med. T. I. p. 298.

y) Non intelligimus hic (cum de irritabilitate &
sensibilitate loquimur) solam illam, quae ner-
vis inest, sentiendi vim vel facultatem, sive qua
fibrae musculares praeditae a stimulis applicatis
contractiones exhibent, irritabilitatem Halleria-
nam dictam, sed latiori sensu indicamus maio-
rem vel minorem, quam sanitas requirit, irrita-

eorum nonnulla, videlicet lassitudo, sensuum stupor, virium deiectio, mentis aberratio, non ea tamen, ut vehemens sequatur delirium, animus tristis, pulsuum raritas, aliaque, quae infirmitatem & minutam sensibilitatem denotant, quum alia in nimia vel aucta sensibilitate potius consistunt; dira enim quandoque oriri videmus symptomata, quae omne fibrarum genus, cum muscularium, tum nervearum ita afficiunt, ut a levissima quadam causa occasionali, quae alios minori irritabilitate & sensibilitate praeditos nequaquam excitaret, spasticae, ac inordinatae quarundam partium contractiones, deliria, insolitaeque affectiones insurgant, quae totum nervosum systema vehementer percellant.

Unde vero ille sensus impotentiae? unde ista praeternaturaliter aucta sentiendi facultas? unde omnia illa symptomata, & quanam,

bilem vim, & omnem mutationem, quae aequè in musculis ac nervis, & nunc in iis, quae requisitas ad manifestum motum producendum possident fibras, validissimas interdum excitat convulsiones, nunc alia, quae ex ipsis directe sequuntur nervis affectis, deliria scilicet, dolores, horroris, & frigoris sensus, producit symptomata, aut ab utriusque simul iunctis proficiuntur.

ut aiunt, causa proxima ea efficiant? An ab inertia, tarditate, aut alio quodam liquidi nervosi vitio? aut (sicuti nonnulli sentiunt) a colluvie, aut vitio quodam lymphae? A coniecturis his, quum infra argumentorum illorum, quae posteriorem quoddammodo probabilem reddunt sententiam, mentio sit facienda nobis temperabimus. Utcunque autem haec sint, febris illius doctrina debili tamen adhuc nititur talo, quum, uti recte monet laudatus BALDINGER 2) „ in physiologicis non nisi probabilibus argumentis demonstrare possimus rationes phaenomenorum. Vix sperandum itaque est, fore unquam, ut innotescat vera malignitatis ratio “ Hisce ergo, quae cum malignitatis Hippocraticae idea consentiunt, praemissis, pergendum est ad recentiorum nervosam febrem, eiusque partitionem in acutam & lentam: aa) prima ex eo dicitur, quod ob nimiam sensibilitatem nimium sanguinis orgasmum ab irritato & perturbato systemate nervoso iunctum habet; altera, quod, ut nomen

2) L. c. p. 133.

aa) Conf. cl. SCHROEDER. dissert. exhib. venae section. in febr. instit. &c. l. c. T. I. p. 171. ad 174. illustr. SELLE pyretolog. p. 268. & cl. RAHN. l. c. p. 304.

fert, lento passu incedit, *bb*) ex coniectura magni nominis virorum, ob systematis nervosi debilitatem, huic feбри iunctam. *cc*)

Ad prioris generis febrem referuntur phrenitis, febris soporosa, hydrophobia spontanea, & febris acuta puerperarum, &, si ex contagio

bb) Commode distingui possunt febres nervosae in duo stadia, unum levius, gravius alterum, in leviori plerumque e lecto manet aeger, moeret, pariter & angitur, imbecillus est tum mente, tum memoria, sic quidem, ut rationis non sit expers, sed hebes & stupidus; in altero sive graviore gravius affligitur, lecto affixus est &c.

cc) Nimia sensibilitas vel irritabilitas locum habere non potest, nisi simul huic debilitas quaedam iuncta sit: quo teneriores enim & ad debilitatem plus propendentes sunt nervi, eo facilius sensibilitas in actum deduci potest. Hinc facile liquet, debilitatem in acutis aequae ac lentis febribus nervosis in culpa esse, illamque nonnisi gradu differre, cum in his tanta debilitas, imminutaque sensibilitas sit, ut non sufficiat iis producendis motibus natura, quos oeconomiae salus postulat (quanquam haud negandum est, non semper adeo impotentem, imminutamque esse sensibilitatem, ut non sufficeret nonnunquam ad producendos motus salutes, & levissima tantum quandoque requiratur causa occasionalis ad excitandos spasmos), in illis vero nimia sit sensibilitas, a singulari quadam systematis nervosi debilitate pendens, ita ut facilius ab irritamento quodam levi afficiantur, magnaue symptomata inde producantur.

gio producitur, ad secundum acutarum genus referendum est: *dd)* ad lentam pertinet febris illa nervosa Anglorum. Nonne utilissimam hanc partitionem, quae a doctissimis aetatis nostrae practicis frequenter usurpatur, etiam malignis accommodare possumus? cum dentur etiam febres, verioribus praeditae malignitatis characteribus, quae nunc lentiores, nunc acutiores habent decursum; *ee)* cum omnia malignitatis symptomata, neque semper, neque eodem gradu, in omnibus eveniant; cum rationes nervosarum febrium ex theoria petita, etiam in generis nervosi affectionibus ponantur, quae neque a corrupta & alienata aliqua humorum, ad ventriculum & intestina sive ad sanguinem delatorum, indole, neque a plenitudine aliqua vasorum ortum nanciscuntur, *ff)* & insuper de phrenitide ipsa, quae ad nervosas acutas refertur, malignissimae febris exemplum sumitur; *gg)* & febris lenta nervosa, ob gravia sua coniuncta, eaque maligna sympto-

dd) Vid. cl. SELLE l. c.

ee) Conf. cl. BALDINGER. l. c. p. 125.

ff) SELLE l. c.

gg) Vid. cl. BRENDDEL diss. de phrenitide in opusculis viri doctissimi, quae recudi curavit cl. Wrisberg.

mata, reliquasque conditiones a clarissimis iam viris malignae nomen obtinuit. *bb)* Nonne ergo febris lentae nervosae nomen pro synonymo paraphrenitidis habendum? quae levior minusque acuta phrenitide est, & non nisi gradu differt, *ii)* quaeque hodie febris malignae nomine ambiturque observatur: *kk)* & nonne idem forte est, an hanc febrem lentam nervosam, paraphrenitidem, vel malignam lentam dixeris? Quid per voces phrenitidis & paraphrenitidis intellectum cupimus, nobis in praesenti nulla est quaestio; scimus enim prae-

bb) Vid. VOGEL. l. c. & cl. SCHROEDER. in diss. de febr. putrid. different. l. c. T. 2. §. V; qui in hanc opinionem iam inclinare, & febrem Anglorum nervosam pro maligna habere videtur, quum dicit, „poterit tamen hic illa oriri quaestio, an ullum detur febrium, propriis nominibus distingui solitarum, certum genus, semper & ubique malignum? praeter phrenitidem forte, & paraphrenitidem rectius intellecta hac voce, & febrem lentam nervosam Anglorum pro meo quidem arbitrio nullum, in his autem ferme omnia malignitatis symptomata adsunt.

ii) Conf. iam saepe allatum clarissimum SCHROEDERUM l. c. T. I. in diss. de indole ac sede phrenitid. ac paraphrenitid. Cl. SELLE l. c. p. 121. & cel. BALD. l. c. p. 120.

kk) Cl. BRENDDEL l. c. diss. de cognat. paraphrenitid. & febr. malign.

stantissimos viros nihil eorum, quae ad stabiliendam veram horum morborum ideam pertineant, intactum reliquisse: quos inter illustr. BRENDELIUM & clarissim. SCHROEDERUM prima laude dignos, nominasse sufficiet; non possum tamen, quin & moneam, cum hic de phrenitide, & paraphrenitide agitur, de cerebri aut diaphragmatis inflammatione sermonem non esse; HIPPOCRATEM ipsum nunquam phrenitidis sedem capiti adscripsisse, & encephali inflammationem sub sphaceli nomine descripsisse, paraphrenitidi vero non aliam, quam phrenitidi, sedem esse tribuendam, ex analectis penes BRENDELIUM & SCHROEDERUM elucere videtur; & per anatomen etiam multa & varia, quae praecordiis inhaerebant, delecta sunt. Saepe enim in cadaveribus eorum, qui phreniticis & paraphreniticis morbis perierunt, reperiébantur intestina, praesertim tenuia, hepar, ventriculus, mesenterium, & alia vasis sanguine turgidis conspersa, neque minus corruptiones putridae. Sed negat cl. LUDWIGIUS, //) veras has fuisse inflammationes, & plerumque

//) Vid. ej. advers. med. pract. vol. 1. p. 1. art. 7.

morbi effectus sunt, non causa: *mm*) ubi in aliis insuper observationibus nulla fit de viscerum abdominalium vitiis commemoratio. Neque negandum tamen est, interdum vitium aliquod haud exigui momenti in hypochondriis latere, non solum pituitam, verum etiam bilem, aliumve humorem depravatum per vomitum aut deiectionem eiici, atque sub hac conditione cum cum biliosis, pituitosis corruptisque humoribus complicari morbum. Sed nonne tales vomitiones similesque praecordiorum affectiones, quibus vitii sedem isti potius adscribunt, insontibus hypochondriis, nervoso systemate undecunque vehementius affecto, ob varium nervorum consensum, parisque vagi, & intercostalis muniis, qui potius, in praecordia turbando, illarum partium functiones alienatis, atque impeditis, vim suam exserere valent, sine ulla humorum in praecordiis corruptione, ab occulta illa nervos inprimis laedente malignitatis causa produci possunt? Quum non raro spasmi circa imum ventrem, etsi

mm) Sic etiam cl. QUESNAEUS, *Traité des fièvres* T. 2. chap. 7. nequaquam hasce vasorum repletiones in malignis morbis pro inflammationibus habet, sed potius venarum spasmo adscribit.

lingua pura sit, neque os amarescat; non solum pituitam, verum etiam bilem ipsam per vomitiones atque deiectiones, & aliquando etiam nihil humoris alieni vel depravati, sed solum potum aut cibum ventriculo eiiciant, & non infrequenter vehementiora animi pathemata, hypochondriaca & hysterica affectio, capitis vulnera &c. ubi nullum, quod sensibus percipi posset, humorum vitium, cui sufficientem nocendi potestatem tribuere liceat, tales vomitiones producant. Hinc in universi generis nervosi affectionibus potius, quam in cacochylia, istas vomitiones, praecordiorum anxietates, dolores aliaque complura symptomata, quae, praeunte HIPPOCRATE, in scriptis doctissimorum virorum similibus in morbis commemorata legimus, saepius ponenda esse, suspicor. *nn*)

nn) Ad eiusmodi conditionem iam olim FERNELII pronunciata, quae apud cl. ETMULLER. extant T. 2. p. 1738. pertinere videntur, quum dicit, „haec ipsa praecordia & partes omnes, quae circa haec sunt, quia membranis sepiuntur, nervosque sentientes suscipiunt a sexta (secundum veterum Anatomicorum ordinationem) cerebri coniugatione, eximio tangendi sensu sunt praedita, magna etiam societate tum principibus, tum internis corporis partibus connexae

Quod ad febrem soporosam, & hydrophobiam spontaneam attinet, hae proprie non sunt morbi, sed symptomata tantum morbi sunt, quae inter alia symptomata pernicioſa aliquando malignis supervenire ſolent: oo) hinc febris ſoporosa, comatoſa, aut lethargica, pro diverſo eius ſymptomatis gradu apud Auctores nominari ſolent. Et quod ad febrem acutam nervoſam puerperarum ſpectat, non vacant quidem propriis quibuſdam, & peculiaribus morbis puerperae, qui partum ſequuntur, & ab ipſo partu, ut cauſa, pendent: cum autem febris acuta nervoſa, quae, ut alius quicumque morbus, ex communibus cauſis puerperis ſupervenire poſſit, proprius puerperarum morbus exiſtimari nequit, hinc huc pertinere non liquet. Novam vero non eſſe febrem nervoſam, nullo magis apparet, quam in Hippocraticis ſcriptis, & praecipue in eius COACIS praenotionibus, ubi malignarum ſymptomata ita ſimilia

sunt, iisque adeo conſentiunt, ut affectae mox principes partes, univerſumque corpus in conſenſum trahant. “

- oo) Sic in commentar. in Boerhaav. aphor. Tom. 3. §. 1130. aliquot de hydrophobiis exſtant hiftoriae medicae, quae abſque ullo rabioſi animalis veneno aliis febribus acceſſiſſe referuntur.

illis, quae recentiores de nervosarum symptomatibus referunt, recensentur; ut nihil fere relictum esse videatur, quod febris nervosae symptomatibus non respondet. Non alienum itaque erit, paucis percurrere symptomata, atque quaedam ex Hippocraticis oraculis decerpere, ut singulorum descriptiones una simul comparentur, & eorum convenientia magis clarescat. Imminente morbo lassitudo, morositas, animus deiectus, praecordiorum oppressio sine colluviei in ventriculo aliisque morbi signis, capitis gravedo, horrores leves, fugaces, cum incerta quadam caloris vicissitudine, non solius febris nervosae, *pp)* sed etiam malignae, sunt signa. *qq)* Somnus nullus aut brevis, aliis

pp) Conf. cl. HUXHAM. l. c. T. 1. p. 164. & T. 2. pag. 78.

qq) Cl. BRENDÉL l. c. dissert. de paraphrenitid. & febr. malign. cognat. & Hippocrat. prorrhēt. 74. „ Febres, quae soporem, lassitudinemve inducunt, atque in quibus caligant aegri, insomnia ac tenuibus sudoribus vexantur, malignae sunt. “ 56. „ Ex praecordiorum doloribus orta febris maligna est “ & Coac. 2. „ Corporis iactationes & incontinentiae cum perfrictione pessimae. “ Cl. BRENDÉL. l. c. T. 1. p. 171. hanc sententiam. „ Αἱ μετὰ καταψύξις δυσφορίαι, κίνισται. “ Ita vertit, „ cum algore morbum ferre inquietius, pessimum “ &

soporosus, neque reficiens, pavoribusque interruptus non in nervosis saltem, *rr)* sed etiam in malignis est; *ss)* pulsus in nervosis *tt)* sunt debiles, inaequales, naturali vel similes, vel adhuc tardiores, non nunquam intermittentes, quod etiam in malignis *uu)* videmus: utrisque id omnino constans est, ut sudores habeant fugitivos, frigidulos, saepe parvos, saepe largiores, & facies, caput & collum sudore mae deant, dum nares & aures eodem tempore frigescant. *vv)* Ad haec superveniunt manuum

bene illustravit inquiring, „pertinet ad initia phrenitidis & paraphrenitidum omnium, febriumve malignarum. Videmus aegros tum vix tepidos quin algidos potius; ceterum anxios, inquietos, morosos, modo orthostadios, modo cubile reptantes: quae sunt haec *δυσφορίαι*. “

rr) Conf. ill. SELLE l. c.

ss) BRENDDEL. l. c. & prorrhēt. I. „ Qui inter initia sopore detenti, capitis, lumborum, praecordiorum, cervicis dolore ac insomnia conflantur, eos considerare oportet, num sint phrenitici. “ & 4. „ in iis, qui praeter rationem perturbantur, & vigiliis torquentur &c. phrenitidem praenunciant. “

tt) HUXHAM. SELLE l. c.

uu) BRENDDEL. l. c.

vv) HUXHAM. SELLE, BRENDDEL. l. c. & Coac. praenot. 12. „ Qui subinde inhorrescant, ex capite laborantes, tenuiter exsudantes, ii maligne habent. “ & 32. „ Qui in febre non in-

& pedum aliarumve partium molestus & spasticus sensus, singultus, tendinum subsultus, tremor manuum & linguae; quae in dorso sub initium nonnihil alba & humida, postea rubicundior & siccior fit: urinae tenues, albae vel aquosae, vel turbidae, insidioso coctionis tum nondum expectandae simulacro. *ww*) His & individui comites accedunt deliria ante paullo obscuriora, nunc iam manifestiora, raro furiosa, nisi in phrenitide, sed potius taciturna; non raro & difficilior auditus, oculi sordidi, & non nihil atque invite lacrymantes, tri-

termittente, tenuiter & crebro exsulant, cum praecordiorum distentione, ii, ut plurimum maligne habent. “

ww) Praenot. 30. „ In febre convulsio, manuum ac pedum dolores, malignum quid praenunciant. “ 45. „ Lassitudine conflictati aegri, singultosi, & alto stupore detenti male habere significantur. “ 322. „ Lumborum dolor absque manifesta causa, crebro invadens morbi malignitatem significat. “ & 579. „ Urinae de repente praeter rationem parum concoctae, vitiosae sunt. Ac in totum, quae in morbo acuto urina praeter rationem cocta est, vitium denotat, in his quoque malo est praerubra efflorescentia contenta atque aeruginosa, alba vero effusa & perspicua urina mala est, praecipue in phreniticis apparens. “ Conf. etiam cl. BRENDEL. l. c. diss. de phrenitide, cl. HUXHAM. l. c. & illustr. SELLE l. c. p. 272.

stiores offerentes adspēctum: xx) accedunt convulsiones, tremores, tandemque profusissimos inter circa caput & collum sudores, sopor, & peripneumonico vel apoplectico modo vitam finiunt aegroti. yy) Praeter haec utrique communia sunt, quod, qui convalescunt, ob debilitatem nimisque fractam naturam, zz) coctionis criseosque negotium peragentem,

xx) Praenot. 197. „Gravi surditate tentati, dum aliquidprehendunt tremuli, linguae resolutione, ac torpore affecti, male habere videntur.“ & 218. „Caligine obducti oculi &c. nihil probe prae se ferunt, malum quoque est, & lucem refugere aut illacrymare.“ Conf. & cl. BREND-EL. l. c. §. 8. & de febre nervosa cl. HUX-HAM. & cl. SELLE l. c.

yy) Praenot. 356. „Convulsio feбри succedens periculum denunciat.“

zz) Naturam medicorum ille Princeps magni faciebat, quum dicit in libro de alimento sect. 4. p. 381. „Natura omnia omnibus sufficit.“ Nec minori in pretio post eum multi alii eam habuerunt. Quot autem disceptationes circa eiusdem indolem, num anima appetitiva sit, vel sensitiva, num calidum innatum, an spiritus igneus, humidum primigenitum, Archaeus, anima rationalis, tanquam omnium motuum auctor & gubernator, omnesque in corpore suscitans motus, viguere, & adhuc vigent; mihi sufficit scire, summam huius vis vel facultatis, quae nobis inest, quaeque in conservanda sanitate, & in amissa revocanda corpori suo quasi praesidet, naturam esse humanam.

ad bonas integrasve crises haud proni deprehendantur. a)

Verissimum tamen est, etsi multum for-
 rasse temporis a morbi initio elapsum sit,
 nullamque certam legem natura observaverit,
 plerumque benigna resolutione terminari mor-
 bum, imo saepius observavi, statâ periodo &
 certo dierum numero tales aegros judicari;
 etsi in aliis neque coctionis neque criseos le-
 ges observaret natura. Non inutilem itaque
 etiam in hac febre criticorum dierum conside-
 rationem puto, quum coctionis atque criseos
 legitimae haud incapax sit. Aliquando succe-
 dunt metastases ad oris cavitatem, ad glandu-
 las, ad coccygem, & nares. Aliis insensibili
 modo sine visibili aliqua evacuatione morbus
 cessat. Exanthemata, quae ad hos morbos
 quandoque spectare solent, septimo, nono,
 aut undecimo die; aut tardius saepe, sive sym-
 ptomatis instar, sive per imperfectam crisin,
 ubi penitus non ablata sit febris causa mate-
 rialis, nisi intercurrente vel subsequente saliva
 multa copiosa, aut urina crassa simul subsiden-
 te, erumpere solent.

a) Vid. cl. SELLE l. c. p. 271. BRENDDEL. l. c.
 de paraphrenitid. cognat. & febre maligna §. 83.

Aliquoties diarrhoeam coniunctam habet, quae symptomatrica est, & nisi complicatus sit morbus, raro tolerabiliorem reddit; periculosa vero habentur deiectiones tennes, crudae, atque colliquativae. Atque hoc, quantum ad finem nostrum facere videntur, quaeque argumento nostro ad stabiliendum antiquae observationis cum illa recentiorum consensum inservire possunt, sufficere reor; quanquam haud negandum, plura melioraque proferenda fuisse.

Sed promissi nostri adhuc memoribus, nequaquam hoc loco nobis praetermittere licebit, quae in tanta rerum ambiguitate verisimilitudinem quandam continere videntur, virorumque in observando caeteroquin exactissimorum nonnulla, quibus minus certe constat, quae nam tam graviter laedere possit functiones nervosas causa.

Cadavera in febris simili defuncta compluribus quidem observationibus exhibuere variam colluviei sanguineae vim, unde a WILLISIO, b) HOME, c) & PRINGLE, d) creditum fuit, a sanguine ad cerebrum collecto, hunc

b) De morbis convulsiv. p. 51.

c) Princip. med. p. 77.

d) L. c.

morbum oboriri: sed incertum est, istane colluvies circa mortem demum, an protinus a morbi initiis collecta, & denuo potius pro effectis virium vitalium deficientium habenda fuerit? Huic enim cogitationi maxime favent laxitas, pulsus contractus, parvus & debilis, in hisce morbis deprehensus, urina aquosa, tenuis, pallida; e) nulla inflammationis signa, & demum noxa a sanguinis missione. Neque verosimillimum est, eius causam in mucosa, viscidaque colluvie, primas vias aequae ac reliquum corpus obruente, atque acritudinis, aut corruptionis gradum quendam adeptam, secundum GLASSIUM, f) aut secundum eximium SIMSIUM, g) qui ad gastricas referre videtur febres nervosas, ponendam esse: quum, ubi haecce conditio reperiatur, morbi complicationem, quae sive ab anni tempore, aliave causa vitium traxerit, potius sistit. Quid igitur tum? feliciores fortasse in constituenda proxima huius febris causa fuerunt illi, qui varie

e) „Urinam albam uri aquam, extremum debilitatis signum esse. “ Galenus dicit in libro I. de crisi-
bus.

f) L. c.

g) Bemerkungen über epidemische Krankheiten p.
150.

depravatum humorem lymphaticum accusarunt, quod metastases illae, quae in glandulis occurrunt, & evacuationes per sudorem, urinam, salivam, ulcera artificialia, imo interdum gangraenam ipsam, quibus depravatus humor e corpore eiiciatur, lentore aliave peregrina qualitate imbuta, quodammodo comprobare videntur. *b)* Praeterea a vitiosa illa lymp̄ha, vim suam in nervos inferente, mirabiles illi effectus facile explicari possunt. Duplex autem esse potest, vel quia copia excedente, inque nervorum vaginis stagnante, nervi comprimantur, vel quia ab eadem acri reddita, nervea filamenta irritentur, divellenturque; hinc dolor multiplex, aliussve cuiuscunque molestiae sensus, pro varia humoris indole, loci natura, sensibilitatis ratione diversus saepe exoritur, unde stupores, sp̄asmi, omniaque symptomata nervosa. Neque minus praecedens valetudinis status, causarumque procatharticarum in efficienda istius humoris depravatione potestas huic sententiae favent. Aegrorum enim docuit observatio, qui fragili gaudent sanitate, quibus maior systematis nervosi mobilitas, de-

b) Conf. illustr. vir. BURSER. de Kanisfeld vol. 1. pag. 256.

bilitasque, qui vitae genere utuntur sollicito, qui curis, molestiisque anguntur, qui malo hypochondriaco & hysterico conflictantur, qui immodicis desideriis indulgent, qui ex longa infirmitate debilitatem adferunt, huius generis febribus maxime obnoxios esse, neque minus ad hunc morbum disponere vigilias, meditationes nimis protractas, animi pathemata, curam scilicet & tristitiam, i) sollicitudines, nimium veneris usum, aliaque, quae infirmitatem adducunt; siquidem inde secretiones atque excretiones difficilius succedant, unde in minimis certe, qui vaginas ipsas nervorum pervadunt, vasculis, maior lymphatici humoris copia colligitur & vitiatur, nervi tenduntur, premuntur, & si asperando humori aptae sunt causae, spasmodicae affectiones proritantur; atque his praecipue, ubi corpus ad morbum valde dispositum fuerit; aëris subitaneae vicissitudines, in quibus nonnunquam causa latet, quare & plures eiusdem regionis, urbisve incolae eodem tempore epidemice afficiantur, refrigeria, sudores cohibiti, haud raro ansam

i) „Frequenter a solo moerore diuturno febris lenta nervosa gigni, est observata.“ STOLL tom. 3. pag. 360.

praebent. Verum illa, quae haëtenus dicta sunt, quanquam vero proxima videntur, non tamen eiusmodi sunt, quae, quum exiguis haud difficultatibus adhuc omnis de systemate nervoso implicita sit doctrina, omnem auferant difficultatem. Exclamare hinc cum clarissimo DE SWIETEN nos oportet „ praestat, dicente, in morborum causis indagandis progredi tantum, quousque per fidelia observata, & cognitam corporis fabricam licet, & in reliquis ignorantiam fateri, quam fictis hypothësis, quantumlibet etiam ingeniosis, ludere “ k)

Ex omnibus tamen concludi posse videtur, in nervis ipsis proëgumenam causam ponendam esse, superveniente nunc levi quacunque causa occasionali, qua peculiare aliquod heterogeneum, quod excernendum, retentum, relictum, & ad nervos iam labefactatos, ipsis intolerabile, traductum; sive id in traspirationis imminutione, sive in oberrante, deficiente naturae robore praeparanda, commodioraque in corporis loca deponenda, arthritidis materia, aliove quocunque fomite ponas, quo
nervi

k) Vid. l. c. ad §. 755. pag. 528.

nervi propius afficiuntur, febris excitatur, & ex utriusque confluxu proxima oritur causa.

Restat, ut paucis de harum febrium complicatione aliquid dicam. Illorum enim, sive lentarum, sive acutarum genera praeter symptomata ipsis propria non raro coniuncta habent signa biliosae, putridae, aliussve febris. 1) Conditio haecce complicata sive in dispositione, sive in genio epidemico latet; sic videmus, primas vias nunc colluvie quadam pituitosa, biliosa obrutas, nunc vermes intestinales, nunc signa putredinis adesse, quae vel simul cum colluvie biliosa, vel deficiente biliosarum sordium colluvie humores contaminat.

Rarissime autem, praecipue in lenta maligna, cum comitante aliqua phlogosi, complicatio locum habet, raro enim sanguinem, ratione molis aut massae, abundantem tales ha-

-
- 1) Conferre de harum febrium complicatione poterunt cl. FINKE de morbis biliosis anomalis p. 101., cl. MERTENS Beobachtungen der faulen Fieber p. 60. & cl. SCHROEDER. l. c. in diss. de viribus naturae debiliorib. &c. §. 16. qui sequentia habet: „ ipso autem rerum usu edocemur, huius indolis febres, quas forte phreniticas & paraphreniticas vocamus, vel melius generaliori acutiorum nervosarum nomine comprehenderemus, frequenter simul ex genere esse biliosarum, neque putredinis humorum nunc maioris nunc vero minoris coniuncta indicia habere. “

bere videmus, & si quandoque aliquid sanguinis phlogoseos mixtum fuerit, tunc non nisi parva quantitate, & maxima cum cautione sanguis mittendus est. Neque minus morbi exanthematici febriles, qui pro temperamentorum, aetatum, aliarumque circumstantiarum diversitate, modo huius, modo illius febris characterem induunt, quandoque nervosam indolem mentiuntur; id genus consortii in morbilloso & varioloso saepius vidi morbo.

Quaecunque vero haec sit complicatio, pro febris causa proxima haberi nequit, *m*) in deturbando vero morbi decursu, aliisque secundum rationem nec evenientibus symptomatibus producendis, permagnam habet potestatem, & graviora complura symptomata reddit.

Investigatis nunc breviter iis, quae harum februm naturam & indolem quodammodo ob oculos ponunt, quaeque praemittenda omnino videbantur, antequam de ipsis morborum historiis agerem, operam dabimus, ut in historiis ipsis plenius adhuc eluceat similitudo, quam habent cum illis, quae maligna dixit phaenomena HIPPOCRATES, & luculentius innotescant signa peculiariora & propria, in quibus, etsi multa desiderari non ignoro, nusquam vero iis fidem deesse, confirmo.

FEBRES LENTAE MALIGNAE,
 VEL
 NERVOSAE.

HISTORIA I.

F Emina annum agens vicesimum octavum, nervorum genere delicato, sensibili, & ad animi pathemata propensione praedita, coloris pallidi rubri, habitus laxi, postquam ter iam utero gesserat, quarta vice sub autumnii finem 1781 post laboriosum partum infantem enixa est, quem lactaverat ipsa.

Ob calamitates quasdam domesticas diuturno moerore afflicta, mense Ianuario 1782 de lassitudine, capitis dolore, & peculiari artuum debilitate conquesta est.

Die 9no Ianuarii ex praeconcepta opinione, plethoram in causa esse, chirurgus acersitus phlebotomiam instituit.

Die 11mo Ianuarii quum meum implorabatur auxilium, conquesta est de levibus quibusdam frigoris & caloris vicissitudinibus,

fastidio ciborum, praecordiorum & capitis gravativo dolore. Lingua tenui muco albicante obiecta erat, pulsus naturali proxime accedebat. Sanguis ex vena evocatus, atque in vasculo adhuc servatus, nulla crusta inflammatoria reclusus, colore rubro gaudebat, & naturali simillimus erat. Propinata potione emetica, tenacis pituitae aliquantulum evomuit.

Die 11mo Ian. per totam fere noctem somno destituebatur. De reliquo eodem manente morbi statu, & alvo moram neccente, pulvis ex salis mirabilis Glauberi aliquot drachmis, & granis decem rhubarbari est datus.

Die 13tio Ian. de subito crebrioribus affligentibus, vagis tamen & subito denuo cessantibus corporis aestuationibus cum faciei vago rubore quaeritur aegra. Lecto tamen exsurgit. Lingua satis bona & humida. Pulsus celer & parvus. Urina pallida. Exhibebatur illi medicamentum ex absinthii sale & succo citri paratum. Circa vesperam mite delirabat.

Die 14to Ian. singularem nunc attentionem desiderare morbum indicavi. Post inso mnem enim & inquietam noctem de gravi virium prostratione, praecordiorum anxietate, vertigine, aurium tinnitu, languore & lassitudine artuum insolita cum cephalalgia inten-

sa, ita ut in lecto manere cogeretur, conque-
rebatur. Pulsus frequens, celer & parvus.
Lingua rubra & humida. Urina tinctoria, nullis
contentis saturata. Alvi excretio naturalis.
Propinabatur ex spirita Mindereri, & aqua
florum sambuci potio. Versus vesperam motus
febriles, & anxietas magis urgebant.

Die 15to noctem transegit nonnihil in-
quietam insomniis & vigiliis interruptam. Lin-
gua arida, ex ore producta, tremebat, & cu-
tis inaequali sudore madebat. Tussis sicca, ve-
xans, frustranea, & titillans, pectus saepe
quatiebat, & fauces cum deglutitionis difficul-
tate quasi stringebantur. Mens erat perturba-
ta, hinc secum obmurmurabat, & difficilia
intellectu proferebat. Praeter linctum ex oxy-
melle cum sulphure antimonii aurato, mixtura
simplex cum camphora adhibebatur, & vesica-
toria furis apponebantur. Sub noctem febris
intenditur, cum magnis pectoris oppressionebus,
quibus demum tendinum subsultus, & leves
totius corporis convulsivae concussiones acces-
serunt. Noctem sub faciliore tussi, & paucilli
simul muci exspuitione quiete transegit, super-
veniebat sudor copiosus universalis: lassitudine
tamen artuum, & cephalalgia superstita.

Die 16to & 17mo Ian. symptomata etsi

multo mitiora, in lecto aegra non manebat; & lenissime in domo deambulabat, nondum tamen penitus sublata sunt. Eam quippe denuo vexabant vigiliae, capitis dolor, & ad dorsum, genua, & brachia, obscurus quidem & gravans dolor. Pulsus tardus, debilis & inaequalis. Praescriptum est corticis peruviani decoctum, cui aliquot spiritus Mindereri unciae addebantur.

Die 18vo Ian. manentibus ceteris, maxime quæsta est de præcordiorum angustiiis, quæ post aliquot horas sine evidenti aliqua ratione prorsus evanuerunt. Urinae, uti & coloris nullum vitium. Lingua satis humida. Ob alvum adstrictam clyisma applicari iussi.

Die 19no Ian. nox fuit sine somno. De præcordiorum denuo angustiiis, & cephalalgia conquerebatur aegra. Pulsus parvus. Lingua tenui muco obducta. Circa vesperam omnia exacerbantur. Membra enim tremere & convelli incipiunt, accedebat delirium, ita ut interrogantibus confuse responderet. Stragula, quasi calore ureretur, abiiciebat, qui vix tepidus, mediocris, naturali tamen intensior percipiebatur. Pulsus celer, debilis, & sudor levis inaequalis. Adhibita sunt moschi grana decem, & camphoræ grana duo; & quidem

omni bihorio talem sumebat pulverem. Sub medio noctis, post mediocrem aequalem sudorem, sequitur somnus, silent convulsiones atque tremores.

Die 20mo quiescit in lecto cubat. Urina, ex qua parum subsidebat, erat turbida. Pulsus mollis, aequalis. Cutis humida. Alvus obstructa enemate denuo sollicitabatur.

Die 21mo Ian. mane, post insomnem transactam noctem, evomit viscida sputa. Phlogoses & aestuationes faciem occupabant, quum corporis extrema frigida, & pulsus inaequales & celeres percipiebantur. Sub vespere, omnibus sensibus quasi orbata, stupida iacebat. Aliquot vini haustus, & potio ex radice valerianae, serpentariae virginianae, & liquore cornu cervi succinati confecta exhibebatur. Ulcera cantharidum exsiccata renovabantur.

Die 22do Ian. nocte per aliquot horas somno indulserat. Horripilationes vagae. Praecordiorum anxietas. Pulsus celer, debilis. Urina pallida.

Die 23tio Ian. pustulae miliares albae liquore lymphatico repletae in pectore, brachiis, dorso, & reliquis etiam corporis partibus efflorescebant.

Die 24to ob ingruentem pectoris oppressionem, respirationem suspiriosam difficilemque, vesicans pectori adplicabatur.

Die 25to Ian. delirantem, febricitantem, respiratione anxia, lingua arida, parvo, duro & frequenti pulsu deprehendi aegrotam. Ab adstantibus rescivi, vesicatorium pectori oppresso egregie succurrisse, illaesa enim & indolente respiratione per vices indormiebat, & tranquille noctem transiebat. Praeterea referebant, auroram versus copiosa sponte per alvum reiecisse liquida aegram; ad hanc compescendam vicina matrona vinum ustum, cui nux moschata fuit indita aegrotae propinabat, quo avide & plus forsan, quam mandaverat ipsa matrona, assumpto, alvus cessabat, indeque omnia recruduere. Praeter deliria enim, & febris incrementum, abdomen dolebat, & anxietatibus premebatur. Cognito eo errore, statim propinavi tincturam rhei amaram, clysmata, & fomentationes super abdomen applicabantur. Alvus proliciebatur cum aliquali aegrae euphoria.

Die 26to, & 27mo Ian. alvus mucosa, neque difficilis. Non multum tamen afferebat levaminis.

Die 28vo Ian. & consequentibus diebus

ad diem usque sextam Februarii remedia sumpsit nulla morosissima aegra. Loqui aut moveri piger. Noctu dormiens interruptam nonnihil habet quietem, & hinc inde in lecto se iactitans, nescia ob quam causam. Linguae conditio perinde ac in sanis, sed pulsus parvi, & vibrati cum aliqua celeritate. Sudores breves. Urina naturalis, nonnihil turbida. Alvus clausa, parum vel nihil eiicit. Exarescunt miliae. Ulcera artificialia copiosum adhuc supeditant pus. Virium imbecillitate in diem accrescente.

Die 6to, 7mo, 8vo, & 9no Febr. aegram assidue sed mitius delirantem inveniebam. Lingua arescebat sine ulla siti. Pulsus interdum omnino latebat, interdum prodibat, sed parvus, intermittens. Blandis hortatibus propinatum corticis peruviani, & serpentariae virginianae decoctum, cuius colaturae camphorae scrupulus saccharo tritae adiungebatur, parce sumpsit.

Die 10mo Febr. media nocte parum riguit, febricitavit, & sua haud intermisit molimina aëtuosa natura; dum metastasi ad fauces facta, pustulae aphthosae oris ambitum internum, & linguam obsidebant, unde matutinis horis de laesa deglutatione, summa oris

sensibilitate, & siccitate conquerebatur aegra. Adhibebantur collutiones oris detergentes cum melle & borace. Remiserunt quidem nonnihil symptomata, & satis bene adhuc valere videbatur; febris tamen perpetuo duravit, non soluta per aphtarum depositionem, per cutis poros, aut per alias vias, quas tentaverat interdum natura; & sic sine novis symptomatibus, aut gravioribus insultibus sub tolerabili adhuc conditione, & corticis peruviani usu, sive his vel illis secundum circumstantias admixtis medicationibus sequentes dies transegit ad diem 24^{um} Febr., quo sub noctem febris exacerbata est cum deliriis, & gravioribus systematis nervosi perturbationibus. Varia enim phantasmata & incondita cogitata mentem perturbabant, varia interdum ridicula proferebat, hinc inde volvendo & iactitando se varie continuo inquietaverat, & lintea carpebat.

Tremere totis artubus incipiebat, atroces insultus epileptici superveniebant, & postquam totum corpus aliquamdiu, atque ad horae dimidiae spatium convulsus fuerat, spasmi remittebant. Subito vero recruderunt pristinae istae spasticae adfectiones, atque sic alternando haec cuncta processerunt ultra quatuor horas. Eo ex tempore delirium, & motus illi con-

vulsi evanuerunt, & sudore copioso universali superveniente, per quinque horas exoptata quiete dormivit. Rebus sic desperatissimis, vesicatoria brachiis applicabantur, pulveres vero ex camphora, moscho, & serpentaria virginiana vomitu reiciebantur. Sequenti die omnia quieta erant. Lingua humida. Pulsus regularis, sed tardus. Urina turbida secedens. Alvus sponte sua respondebat. Mentis actio- numque vero adhuc superesse videtur confusio. Rogabat aegra, ne adhuc multa medicamenta assumere cogeretur, atque desideratum stomachale remedium ex corticis peruviani extracto sumebat. Per plures dies nunc adhuc sudavit. Convalescere, viresque restaurari incipiebant, ita ut post mensem plenarium recuperaret sanitatem.

Morbi historiam per singulos dies accurate persecutus sum, & ex concursu symptomatum, atque decursu morbi, hanc febrem sub nervosae, vel malignae lentae nomine venire posse, existimavi. A natura enim laxiori tenera structura instructa, systemate nervoso magna sentiendi facultate & irritabilitate praedito, gaudet. Per lactationis tempus se lacrymis & tristitiae tradens, infirmitatem, atque debilitatem sibi adtulit aegra. Morbi initiis evacua-

tione sanguinea instituta, quum vis vitae iam fuit deiecta, infirmitatem hanc auxit a). Praecordia sine manifesta causa dolebant, quum nulla adfuerunt sordium primas vias inquinantium, nulla, quae ad biliosa, ad putrida, vel inflammatoria referre potui signa. Emeticum enim nihil humoris corrupti elicuit, vix ullum levamen produxit, & sanguis initio morbi missus sanorum simillimus erat; cui rei admodum fallaci non multum tribuendum equidem scio, quum contingit non raro, ut in diathesi inflammatoria, b) pleuritidis initio, aliisque inflammationibus, in sanguine detracto nulla appareat sanguinis crusta, nihilque a naturali deflectat crassi sanguis, testibus clarissimis viris, & praecipue ill. de HAEN cum inquit,

a) Praeter cl. HUXHAM., qui l. c. T. 1. p. 171. & T. 2. p. 83. a sanguinis missionibus in huiusmodi febribus abstinere suadet, tristissimos a talibus evacuationibus effectus per observationes abunde confirmatos reperimus apud cl. MAYER Abris der Epidemie zu Jena p. 21. & cl. SELLE Neue Beyträge 1. Theil p. 72.

b) Diathesin sanguinis inflammatoriam ab illa inflammatoria diathesi generatim dicta, quae non ad fluidas tantum, sed etiam ad solidas partes pertinet, distinguendum esse, bene monet cl. BURSERIUS l. c. Vol. 1. in commentariolo de infl. p. 45.

, nonnunquam sanguis initio febris acutae, aut etiam topicae inflammationis missus crusta caret, habetque eandem aut in altera, aut in tertia, aut in quarta venae sectione. Imo in morbis maxime inflammatoriis in nullo sanguine, quotiescunque missus, aliquoties crusta ulla est. “ c)

Nostri autem in aegrotis certioribus ex notis iudicium tulimus, & pro symptomatum continuatione, aegrae temperie, & viribus, nullus sanguinis missionis, nedum repetendae locus erat. Calor naturali persimilis erat, pulsus aliquando naturalis, aliquando debilis, inaequalis, sub digito saepe quasi evanescens. Constans in morbo fuit nota agrypnia: atque nullum fuit symptoma de quo magis querebatur aegra. d) Sine ullo in bronchiis, aspera arteria, larynge, & faucibus, causae vestigio, faucium praefocatio, titillatio observabatur, & post insignem tussendi conatum parcissimus mucus fereatu expellebatur; hinc dubitari non potest, quin spasticae harum partium affectioni cuncta haec symptomata tribuenda fuerint. e)

c) Ratio med. P. I. cap. 6. p. 74. Vid. etiam cl. STRACK. nov. theor. pleuritid. verae &c. aegrot. 7. & 8. &c.

d) Conf. cl. SELLE l. c.

e) Haud raro in malignis febribus talia evenire do-

Symptomata non consonabant, nec respondebant signis, lingua enim fuit sicca, nulla tamen sitis excitabatur. Pertinax morbus fuit, in longum protrahebatur, nullumque certum typum servabat. Quae 15to, & 19no quinto & nono nempe morbi die, (quando initium ab horroris vel frigoris illo sensu constituamus, *f*) criticis diebus in nostra aegrotā observata sunt, pro conatibus ad crises habenda sunt, quae, quia nondum ad exitum parata esset materia morbifica, vel quia vires ad hoc negotium non omnino sufficerent, imperfectae erant crises. Ab efflorescentiis miliaribus decimo tertio supervenientibus, nullum habuit levamen. Diarrhoea, nullo apparatu crudo in

cent practicorum observata; hinc saepe laudatus BRENDelius l. c. in dissert. de cognat. paraphrenitid. & febrium malign. §. 7. sequentia habet, „ hoc sensu meri cuiusdam spasmi, deliriorum indice, & comite, credibile est aegrotos impelli ad frequentes istas secretiones, sputationesque exigui atque lenti humoris. Sputa rotunda passim HIPPOCRATES vocat phreniticis & paraphreniticis persaepe communia. “

- f*) Conf. quid cl. BRENDel. de hoc senserit l. c. §. 5. „ Algor namque aliquis, dicit, qualiscunque fuerit, rigor an horror febrium ipsa initia constituit omnium, quod non uno loco verissime iam HIPPOCRATES monuit. “

intestinis stabulante, decimo quinto producta, inepto sane consilio sublata, quanquam illam ad naturae imitationem moliebar deiectionem, & lenta per triduum alvus fluebat, symptomatica fuit, quum nullam per has vias passa est iudicationem febris. Neque minus a depositione illa aphtosa 3^{imo} prodeunte iudicabatur aegra; sed requirebatur aliud quid, quo materia morbi critica evacuatione quadam expelli debuerat, quod die 45^{to} factum est: g) ubi integre iudicatus fuit morbus copioso sudore universalis, praegressis prius imperfectis crisis aliis diebus criticis & dein recidivis. b)

Non omnes vero morbos, qui febrium nervosarum vel malignarum nominibus comprehenduntur, manifesta semper evacuatione solvi, sequens historia confirmat.

g) Febres post imperfectas crises in tantam quandoque longitudinem excurrere, patet ex verbis cl. de SWIETEN, inquit „ febrium continuarum longitudo varia est, & ad sexagesimum aliquando diem extenditur.“ Vid. §. 109. in BOERHAAV. aphor.

b) Pertinent huc circa febris reversiones ex imperfectis crisis HIPPOCRATIS praedictiones. „ Reversionibus tentantur, quibus circa febrem vigiliae aut turbulenti somni adveniunt, aut corporis robur solvitur, aut singulorum membrorum dolores adsunt.“ De iudicationibus p. 54.

HISTORIA II.

V Ir tenuis fortunae, 33 annorum, ex obitu filioli carissimi moerore confectus, pluviosa admodum & humida tempestate iter faciebat.

Decimo quarto Ian. 1782 ab itinere rediit, per quinque continuos dies, dum per aliquot dies catarrhosa praecefferat dispositio, leviter frigit, & caluit. Morosus, confusus, nauseosus cibos abhorret, & de obtuso aliquo in praecordiis dolore, lassitudine, somnique defectu queritur. Tertio quum a me opem quaesiverit die, emeticum sumsit, quo, praeter viscidum insipidumque phlegma, nil reiciebat. A vomitu sapor, antea depravatus, bonus, lingua vero mucosa.

Datum purgans ex sale amaro & rheo absque levamine.

Sexto morbi die accessit capitis dolor, pulsus celer, parvus, respiratio difficilis sine ulla tussi. Decumbebat aeger, quum antea adhuc obambulare. Adhibita potiuncula ex spiritu Mindereri additis aliquot nitri antimoniati per insp. parat. drachmis; sub noctem vesicans inter scapulas ponebatur. A vesicatorio respiratio fit facilior, capitis autem dolores

res permanebant. Urina pallida, lingua humida. Pulsus parvus, tardus, & valde contractus. Nulli somni. Nullus sudor. Animi indifferentia peculiaris. Praescriptum est medicamentum ex cortice peruviano, & spiritu Mindereri. Elapsis quatuor diebus, pulsus artierum sunt obscuri, humiles. Adest leve delirium. Augentur advesperascente die deliria. Datum emulsum camphoratum. Elapso biduo, pulsus elatiores facti, redit mens sana. Utebatur nunc corticis peruviani decocto. Decimo septimo morbi die per omnia commode valebat. Redit cibi cupiditas. Alvus sua sponte liquatur. Noctes, uae adhuc sine ullo somno transgebantur, nunc sunt placidissimae. Viribus in dies succrescentibus.

Ex symptomatum, quae in hoc morbo apparebant, & quae cum ex aliarum, tum ex ipsis meis observationibus cognovi, similitudine, ad nervosam febrem hunc morbum referendum esse iudicavi. Hanc vero indicabant lassitudo, cephalalgia intensa, vigiliae, urinae pallidae, praecordiorum angustiae &c. Cuius praesentiam magis & adhuc innuebat causarum manifestarum absentia, quae alias similes conditiones producere valent. Symptomatum quidem excessiva truculentia non aderat, perpe-

tua tamen in hoc morbo aut valde frequentia quaedam, quasi propria, ex quibus dignoscitur, aderant. In corporis structura praedispositio latere videbatur; gaudebat enim debiliori partium cohaesione, & laxiori structura. Praeparabat ad morbum vita & tristitia, & non levis se se offert suspicio de impedita in itinere perspiratione, qua morbus suscitabatur. Et cum 17mo morbi die sine sensibili aliqua evacuatione, nunquam enim sudavit aeger, urina sanorum similis nunquam coctionis criseosque signa exhibuit, symptomata minuta sunt, & omnium malorum expers ex voto convaluit; SYDENHAMI effata animo incurfabant. „Darii nempe quasdam febrium species, quas natura methodo sibi peculiari, sine visibili aliqua evacuatione ablegat, reducendo scilicet in sanguinis massam, eique adsimilando materiam illam morbificam, quae cum eodem minus quadrabat. “ i)

HISTORIA III.

Quidam vir temperamenti cholero-fanguinei duo supra triginta annos natus, habitus cachectici, infirmi, rectae diaetae nunquam rationem habens, & studiis operam dans, per longum iam tempus doloribus vagis, iam gingivas, iam buccas, iam cervicem, nucham & occiput occupantibus cum aurium tintinnitu fuit cruciatus. Ceterum satis bene valuit, neque ullo morbo afflictus erat. Tandem sexto mensis Maii die 1783 vesperi cubitum concedens, praegressa artuum lassitudine, horrore, atque calore obreptus est, noctemque insomnem transegit.

Mane sequentis diei, quam meam imploraret opem, crucians capitis, praecipue cervicis & occipitis, dolor adfuit rheumaticus. Lingua alba, & sordida; inappetentia, & alvi obstructio.

Omni bihorio pulvis dabatur ex granis decem rhabarbari & scrupulo magnesiae, & post assumptos tres tales pulveres ter alvum deiecit.

Die 8^{vo} Maii lingua satis bona. Continuat tamen intolerabilis dolor nuchae, qui

versus vesperam ingravescit. Per vices horro-
ribus caloribusque afficitur.

Pulsus in omnibus mediocris est, celerior
tamen & debilior, quam naturaliter esse so-
let. Urina pallida, pectus oppressum. Febris
ingenii adhuc eram incertus, sed tamen, ut,
quum nulla gastricae saburrae indicia aderant,
& nocte praecedente paulisper sudaverat aegro-
tus, indicationi quodammodo satisfacerem, spi-
ritum Mindereri cum infusis theatibus ex sam-
buci floribus adhibere coepit. Symptomatum
analogia aegrotus & adstantes morbum ex illa
februm familia, quae catarrhalium nomine
insigniuntur, esse existimarunt.

Sanguinis missionem, quam alii suade-
bant, alii ob praeconceptam opinionem catar-
rhi speciem semper eandem arbitantes, &
nunquam in catarrhalibus morbis convenire
venae sectionem, damnarunt, valde iniquam
iudicavi; quum pulsus, & habitus corporis
non exigere videretur, singularisque systematis
nervosi debilitas me deterreret: hinc & ob
atrocem cervicis dolorem, vesicatorii inter
scapulas applicationem suadebam; quod vero
non concedebat aeger.

Postero die dolores denominati decrevere,
aegrotus tamen valde pertaesus, languidus,

pallidus, horrores, tremoresque per sentiscebatur, & de insomnia, vertigine, praecordiorum angustiiis, memoriae debilitate conquerebatur.

Evidentibus nunc causis non admodum conspicuis, & aegroti constitutionis, & causarum proëgumenarum indolis ratione habita, certius, & magis definitum malignae febris augurium mihi erat. Aegrotum periculi non expertem esse adstantibus statim declaravi, qui quidem, quia primo intuitu ad speciem febris mitis erat, aegrotusque obambulabat, monita mea deridebant.

Die 10mo Maii diarrhoea oboritur, cui sedandae, quum iam debilitatus fuerit aegrotus, nulla primarum viarum affectarum signa apparuerint, linguaque ut in sanis fuerit, rhabbarina, cum gummi arabico mixta, praebantur.

Die 11mo & 12mo Maii de languore, anxietate, spiritus trahendi difficultate & aurium tinnitu conqueritur. Maximam tamen diei partem extra lectum se continet. Praescripta est mixtura diaphoretica ex Mindereri spiritu. Nocte nihil dormivit, frigidumque sudorem sudavit.

Die 13tio Maii taciturnus, tristis, anxius, laboriose incedit. Urinae tenues & de-

colores. Pulsus parvus. Diaphoreticae mixturae camphora addita erat.

Die 14to singultantem, lucem fugientem, viribus exhaustum, placideque delirantem, pulsu tremulo, inaequali, atque post aliquot pulsationes intermittente, surditate atque stupiditate correptum inveniebam aegrotum. Alexipharmacam portionem ex radice valerianae, radice angelicae, camphora, & liquore cornu cervi succinato propinavi, & vesicatoria suris apposui. Circa vesperam delirium, tremores, tendinum subsultus, convulsiones. Omni bihorio per vices datae sunt pulveres e moscho. Inter assiduos tendinum subsultus, singultus, & inaequales sudores, vigiliis assiduis, & iactitationibus noctem exegit.

Die 15to remisit quidem singultus, valde tamen soporosus, deliriis obscuris, oculis caliginosis decumbit aegrotus. Serpentariam moscho adiunxi. Vinum rhenanum dedi, & alvo stipatae clysmate succurri iussi.

Die 16to post noctem insomnem omnia recurrebant incommoda. Singultus enim toto inquietabat aegrotum die. Totis artubus tremebat, linguam aridam, rubram, tredientem premere non valebat. Vires admodum collapsae, pulsus adeo debiles & celeres, ut vix

distingui queant. In hac rerum conditione adhibitum est vinum, & pulveres, qui continebant salis cornu cervi grana duo, camphorae grana tria, & valerianae scrupulum unum; atque his effectum est, ut tremores, & singultus sub vesperam emanserint, nocte sedate per vices indormire coeperit, & tandem versus auroram.

Die 17mo, quum ab ingruente morbo totas noctes insomnes inquietasque transegisset, quatuor vel quinque horis somno non interrupto, levi manante sudore, efflorescentiisque miliaribus erumpentibus, indulserit. Morbum vero non iudicatum esse praesagiebam; quum evigilans mente deiectus adhuc deliraverit, & somnus non multum recreaverit.

Die 18vo nox non sine ullo fuit. Sui magis conscius, querebatur de calore, si tangeres, vix percipiendo. Alvus non respondens, iniecto clystere, sollicitabatur.

Die 19no post misere transactam noctem, & brevem somnum matutinis horis captum, mente quidem consistere videtur, ita ut de multis, variisque concinne atque ex ordine loqueretur, animi tamen, qui nullis plane persuasionibus erigi poterat, quaedam inquietudo aegrotum inturbabat. Circa meridiem

eiusdem diei alvus leviter fluens, sensim in tantam mutata diarrhoeam, qua multus tenuis mucus reddebatur, & aegrotus viribus iam iam exhaustus, misereque emaciatus, ita debilitatus est, ut omnem convalescendi spem, futuramque recuperandi sanitatem plane omiserit. Mixture ex aquae cynamomi cum vino unciiis sex, gummi tragacanthae drachma una cum semisse & laudani liquidi Sydenhami guttulis viginti quinque, modicis divisisque dosibus, exhibebatur; extus fomenta ex millefolio mentha &c. vino rubro incocta abdomini superimponebantur, & clysmata ex decocto corticis peruviani & vino rubro iniiciebantur; pro potu concedebatur vinum aqua dilutum, in quo solutum fuerat arabicum gummi. Hac methodo effeci, ut parum relinqueretur temporis intervallum, quo cessaverit diarrhoea, & eadem adhuc vespera alvus plane comprimeretur. Ipso eodem die adstantium quis, maculam nigram in aegroti dorso se vidisse referebat. Quum ego accersitus locum mihi suspectum examinarem, obstupui plane: Circa os enim coccygis & sacrum in partibus mollibus his ossibus impositis, latae manus spatio extensis, corruptis, nigris, aridis, & quasi fumo induratis, maculae istius ambitus adhuc vivus & integer, pallidus fuit & non multum dolorosus.

Magis & obstupui, tam cito gangraenam subsecutam; per quinque enim modo dies decumbebat aeger, situs corporis, quantum ob summam aegri debilitatem fieri potuit, saepius mutabatur, hinc non erat, ut opinor, cur decubitus argueretur. Partibus gangraenosis mortuis sine ullo dolore scarificatis, cataplasmata applicavi ex cortice peruviano, sapone, semine sinapis, & salvia. Annulus ex linteo convolutus, mollissima aluta obductus, corpori ita supponebatur, ut partes gangraenosae ab omni compressione liberatae essent: & quum, uti antea dictum, advesperascente die, alvi fluxus prorsus cessaverit, mutata medicina, interne cortex peruvianus, cascarillae, & serpentaria virginiana decocti forma in auxilium vocabantur. In sequenti nocte quies & sudor.

Die 2^{mo} homo autem denuo delirabat. Pulsus citatiores. Urina tincta. Lingua sicca. Medicamenta, uti priori die. Praeterea incisiones posteriores non omissae fuerunt; plagas enim fecimus rectas, transversas, maiores & minores. Sub vesperam exacerbata est febris, quae in mediam usque noctem protrahebatur cum deliriis intensioribus, & supervenientibus sudoribus largioribus discessit.

Die 2^{imo} mane mens sana. Expuitio si-

mul salivae copiosae. Sudor; urina turbida, in qua multum subsidebat, & pulsus aequabilis.

Morbum post salutares hasce evacuationes iudicatum esse praevidebam. Praeter haecenus recensita signa salutaria, crusta gangraenosa depressior, contractiorque fiebat; ulceris orae intumescebant, rubebant, & gangraenam stare significabant. Largam nunc corticis peruviani in substantia, & in decoctis quantitatem, & moderatum vini rhenani usum adhibui. Externe autem crustis concisis, diductis, lateque patentibus plagis linimenta ex unguento basiliconis & aegyptiaco, cortice peruviano mixtis, applicavimus. Linteola corticis peruviani decocto, cui sal ammoniacum & acetum vini adiciebantur madefacta, super id, quod emortuum erat, imponebantur, & cataplasmata emollientia ex farina, floribus chamomillae, ex lacte cocta superdabantur.

Diebus 24. 25. 26. 27. sensim cessabat salivatio, urina sedimentum constanter dimittebat, vires cortice peruviano, vino rhenano magis magisque erigebantur, iura carnum tenuia, addito succo citri, corpus bene nutriebant, & crustae emortuae quotidie excidebantur. Miranda certe ulceris amplitudo, atque latitudo, a convexitate enim ossis sacri super

ligamentum sacro-ischiaticum, & super nates finitimas descendebat, ibique ad longam atque latam manum & pollicis altitudinem totam cutem, & intercutaneam adipem corripuit. Die 28vo superveniente febricula, male se habere aeger videbatur; exhibitis vero pulvisculis ex cortice peruviano & rheo, quibus alvus clausa solvebatur, evanuit febricula. Gangraenosis crustis nunc magis magisque resolutis, & ulcere bene suppurante; essentia vulneraria, scordii, myrrhae, oleum terebinthinae imponebatur.

Infundi quoque syringe ope decoctum ex cortice peruviano, cascarillae, & myrrha iussu. Orae autem ulceris digerentia sunt imposita. Magna quoque adipis corruptae atque resolutae quantitas quotidie eximebatur. Vulnus rubidum puriusque fiebat, humorem exsudabat, & undique caro granulis adiposis simillima succrescebat. Omnia nunc in melius vertuntur, abscessus, firmiore carne propullulante, sensim angustior evadebat, vulnus impletur, & corporis robur, pedum etiam oedemate, quod sub ultima morbi tempora accefferat, depulso, in dies mire increfcit; ita ut, vulnere quamvis tarde etiam coalescente, ad hunc usque diem perfecta gaudet sanitate.

Si quis sine praeiudicata opinione singula symptomata consideraverit, confiteri cogetur, proximam huius febris causam neque inflammatoriae diathesi, neque cacochyliae putridae aut biliosae, aut cuiuscunque alterius generis primis viis insidenti, aut sanguinis putridae liquationi tribuendam fuisse. Gangraena quidem, qua praesente, sanguis dissolutus, & febris putrida adesse dicitur, huic propemodum opinationi favere videtur, reliqua tamen signa putridarum propria, plane deficiebant, & quae in uno genere verisimilitudinem quandam continent, in alio etiam probabilitate carent. Adstipulatur mihi experientia doctissimi SELLE, qui pustulas gangraenosas, quas in simili febre vidit, solas ad febrem putridam indicandam sufficere negat, & has potius a systematis nervosi affectione ortas fuisse confirmat. k) Nervosam vero systema praecipue adfectum fuisse, & ad malignarum febrium genus pertinere ex signis videre est, & ex causis proëgumenis, praegressis symptomatibus, & ipsa aegri constitutione facile concipi potest.

Praeter habitum corporis infirmum, studiis

k) L. c. pag. 87.

vigiliisque nocturnis animi & corporis aeger sibi contraxit defatigationem. A multo iam temporis spatio doloribus rheumaticis, vel has vel illas partes occupantibus, conflictabatur, unde systematis nervosi sensibilitas orta est, & quum ingruente morbo dolores saevirent, probabile etiam est, procatharticam huius febris causam in rheumatica materia ponendam esse, quae, superveniente mediocri refrigerio, ubi corpus ad febrem iam dispositum, & natura ad arcessendam hanc materiam nimis debilitata fuerit, nervis infidebat, nocebat, indeque aegerrime dimoveri nequiverat: unde febris accensa pluries exacerbabatur, singultus, aliaeque spasmodicae affectiones, moliente morbi materiem expellere natura, originem trahebant.

Pustulae miliares undecimo morbi die erumpentes morbum non levabant. Deiectiones alvinae decimo tertio subortae fuerunt colliquativae, nullaque criseos signa prae se ferebant; critica enim evacuatio cum iusto symptomatum levamine, neque summo quasi impetu maximo cum virium detrimento fieri debet, quod abunde satis summus HIPPOCRATES, & commentator eius GALENUS, docuerunt.

Decimo quinto tandem die morbus plane

iudicabatur, salivatione, copioso sudore, & urina, quae omnia concurrebant ad servandum aegrotum; praevalebat vero saliva, *l)* subsidariamque ferebant operam illae reliquae: ita notavit HIPPOCRATES, *m)* narium hemor-
rhamiam, diarrhoeam, largam urinae hyposta-
ticae excretionem concurrisse ad servandos ae-
gros.

Imo & gangraenam ipsam quodammodo
criticam fuisse, non a vero videtur alienum,
& recentiorum observationibus confirmatur. *n)*
Ex omnibus itaque lucide apparet, magnos
errores in methodo curativa nos commissuros
fuisse, quando curationem evacuationibus ag-
gressi essemus. Nullus hic locus erat evacua-
tionibus sanguineis, nulla turgentis materiei
signa aderant, & quidquid alieni morbi initio
in intestinorum canali haerere videbatur, phar-
maco leviter purgante evacuabatur, &, ne iis-

l) Recte igitur cl. HUXHAM. dicit l. c. T. 2. p.
98. „ Nulla melioris praesagii evacuatio est,
quam satis copiosa salivatio sine aphtis: ubi haec
incidit, & cutis moderate madet, de aegroto
meo vix unquam, quam debilis & stupidus quo-
que esse videtur, despero. “

m) Epid. ibi pag. 983.

n) Cl. SELLE pyretolog. p. 294. & cl. BURSER.
l. c. Tom. I. pag. 355.

dem aliisve continuandis evacuationibus insistere-
remus, solliciti cavimus.

Alium nunc casum, quem notatu dignum
esse credo, narrabo. Per malam enim meta-
stasin ad pulmones delatam, mortemque mini-
tantem, aeger pristinam recuperavit sanitatem.

HISTORIA IV.

ADolefcens 16tum agens annum, tenerioris
constitutionis, optima alias gaudens sanitate,
studiis & lectioni librorum assidue incumbens
cum 23tio mensis Augusti die 1784 aëris in-
iuriis, tunc temporis maxime humidi & frigi-
di se se exposuisset, & multum hinc inde cur-
sitando incaluisset, capitis dolorem, nauseam,
appetitum prostratum, incertos horrores & ca-
lores, animi demissionem percipit: hinc pau-
cis interiectis diebus, opem meam petiit. Lu-
ctui indulgens de flatulentia, cordis palpitatio-
ne, lassitudine, appetitu diminuto, & gravi
capitis dolore conquerebatur. Pulsus naturali
proxime accedebat. Lingua albida, & urinae
tenues erant. Nullae tusses, dolores, vel aliae
quaecunque morbidae pulmonum affectiones his
se se associabant. Post noctem inquietam ma-
ne emeticum sumsit, unde vomitu, & aliquot

secessibus se se exoneravit. Pessime vero exinde se habuit. Nullas alias explorare potui causas, quam quas iam exposui; nulla, quamquam attente primarum viarum statum, ne in diagnosi errorem committerem, observaverim, bilis, pituitae corruptae, vermium, neque minus diatheseos inflammatoriae aderant signa; non amplius itaque de febris nervosae praesentia dubitavi. Omnia simul mihi complecti liceat, ne hyperbolica amplificatione res exaggerem.

Lassitudo, torpor, capitis gravitas, quotidie augebantur. Febris erraticarum more exacerbabatur. Mens turbata. Pulsus debilis, parvus, naturali ferme celeritate. Initio post assumptum vomitorium, mixturam praescripsi ex salis absynthii drachmis duabus, succi citri portione, quantum ad saturandum sufficiebat, & aquae florum sambuci unciis quatuor. Alvus adstricta clysmate sollicitabatur, & pro potu serum lactis vinosum dabatur.

Die 27mo quum obmurmuraret, subdeliraret, stupidus decumberet, oculi perturbati, pulsus debiles, & naturali celeriores, urinae limpidae, lingua sicca, sudores inaequales essent, & vigiliis vexaretur, exhibebantur spiritus Mindereri, camphora, & emplastra vesicatoria suris apponebantur.

Die

Die 3^{imo} supervenientibus animi deliquiis, tremoribus, tendinum subsultibus, singultu, pulsu parvo, debili, tremulo, propinabatur camphora moschusque, & vesicatoria renovabantur. His omnia pacabantur. Et sic repebat febris, quae nullum certum, aut constantem typum obtinebat, cum arteriarum micatibus vix frequentioribus, subinde spasticis quibusdam affectionibus, tremoribus, aut tendinum subsultibus, cuti modo sicca, modo humida, sudoribus inaequalibus, hic illic conspicuis, urinis nunc paucis & pallidis, nunc praeter rationem turbidis.

Nocte autem intra undecimum & duodecimum a morbi invasione diem omnia ingravescebant. Brachia enim huc illuc iactantur, manus floccos conquirunt, loquela difficilis, delirium subobscurum, cutis assiduo sudore perfusa. His accessit pectus oppressum, respiratio difficilis, tussis molesta, exsereatio nulla. Mane sequentis diei vocatus ex iis, quae mihi referebantur, excepto in respirando sibilo, & levi pectoris oppressione, nihil inveni. Mensa restituta videbatur, & pulsus aequales erant. Propinato oxymelle squillitico, & kermete minerali, pituitosam materiam reiecit.

Et hic manebant symptomata, interceden-

tibus quibusdam temporis intervallis, in quibus recrudescere morbus, respiratio praecordiorum anxietatibus saepe interciperetur, & pulsus frequentiores, & delirium superveniret.

Decimo quarto tandem morbi die post meridiem omnia in praeceps ruunt. Respiratio enim, viscida & tenaci pituita vehementius, & copiosius ad pectus irruente, fit summopere impedita. Supervenit tussis, anxia aëris captatio. Extrema frigent, & sudor frigidus fronte emanat. Oculi sunt perversi, spastice invertuntur, & omnibus sensibus orbatus decumbit. Subinde tendines subiliunt. Pulsus adeo debiles & celeres, ut vix distingui queant. Suffocationis momentaneae metus. Hisce in angustiis, quae valde miserandum aegri statum, mortemque appropinquantem indicabant, haud nimiam festinationem secundum CELSI effatum, sed omnem tarditatem periculosam esse iudicavi. Vesicatoriis enim tum brachiis, tum pectori applicatis, praeter camphoram, moschum, serpentariam virginianam, & theata tepide cum oxymelle squillitico, sulphure antimonii aurato admixto, largiter sorbillata, grana quinque salis cornu cervi cum vino rhenano per vices propinavi. Nec non omnes singulique hi conatus, & adiumenta expectationi

fatisfecerunt. Multa enim reiecit sputa, erumpit simul sudor copiosus universalis, per aliquot horas indormire coepit, & mane sequentis diei omnia quasi evanuerunt symptomata. Spasmi enim remittebant, respiratio libera, pulsus aequales, urina critica, mensque sana erat. In usu corticis peruviani per aliquot septimanas perrexit omnium malorum expertus; vires tunc temporis & corporis robur mire increvere, & perfecta adhuc gaudet sanitate.

Plura huius generis exempla, ubi de tam felici exitu laetari possumus, nobis obvia esse, rarius forte contingit, dolendum sane, (ut BAGLIVII verbis utar) „ id quod semel ex voto succedit, non semper tali modo fieri. “ o) Non immerito igitur paucis considerandum esse reor, quae in hoc morbo eveniebant. Nocte intra undecimum & duodecimum diem ad morbi materiem per sputi vias exterminandam iam moliebatur natura; quum vero debita adhuc nulla praecefferat coctio, & quae apparere sputa tenacia mucosa, & parciore copia fuere; hinc imperfecta crisi facta, & sub vespere sequentis diei critici, novis excitatis

a) Prax. med. lib. 1. §. 7.

turbis, naturae viribus minus sufficientibus, ut extra corporis maenia proiiceretur morbosum illud virus, determinato versus pulmones materiae morbificae fluxu metastatice illuc delata est. Quae nisi cito bona fortuna e loco, quem infestaverat, eiiceretur, in locis minus incongruis, eliso spiritu, suffocationem, subitamque mortem certe provocasset.

Sola sibi certe non suffecisset natura, quae ad coëcta evacuanda nimium torpebat, nisi medicae artis subsidiis aegroti vires nimium languentes stimulantibus erigerentur, atque ad expuitionem exitarentur. Huic vero remedio ex sale cornu cervi & vino rhenano multum esse tribuendum, persuasissimum habeo. Pulverum enim ex camphora, moscho, & serpentaria, vix unum aut alterum deglutivit, & sal alcali hocce volatile cum vino rhenano quodammodo saturatum, non modo, antequam cetera expectorantia in sanguinem recepta & destinato fini satisfecerant, quoties aeger deglutiēbat, statim sputa promovebat, & acri stimulante sua vi oesophagum atque asperam arteriam irritabat, ad exsereationem resuscitabat, & morbificae materiae portionem, pondere suo pulmones gravantis, singulisque momentis suffocationem minitantis e corpore eii-

cisbat, verum stimulo suo atque irritatione vim nerveam excitavit vel potius sensibilitatem atque irritabilitatem recreavit.

Nec minus vesicantia suos praestitere effectus: resorpto enim vesicantium acri stimulo, quo in totum corpus atque etiam in pulmones agit, sputa promovebat, vitalitatem pene extinctam exsuscitavit.

Ignoscat itaque, precor, cl. SELLE, si ab eo hac in re dissentio; quum dicit: metastasi ad pulmones facta a roborantibus, atque sudoriferis statim abstinendum est, methodusque antiphlogistica arripienda. *p)* Si quid super hac re proferre licet, duplicem statum distinguo, mihiq; hanc legem statuo. Quando vis vitae nimium sit deiecta, a decubitu materiei in pectore coacervatae suffocationis periculum portenditur, & ob aegroti vires languentes protrudi non potest: quo in casu quaevis cunctatio summum periculum afferret, horrendo malo occissime occurrendum moventibus, incitantibus cardiacisque. Nocere autem irritaque haecce esse, ubi non ita languent, torpentque vitae vires, & ubi inflammationis ti-

p) Vid. eius neue Beiträge T. I. p. 112.

mor remedium quodcunque movens vetat. Hic potius sanguinis parciori manu, & partitis viciis, mittendi, solvendi, emolliendique indicatio est. In omni autem harum circumstantiarum varietate maximam deliberationem, symptomatumque considerationem ineundam esse existimo. Quid vero de tam proëgumena, quam procathartica huius morbi causa dicamus? dubitari certe non potest, quin ex aëre humido & frigido insensibilis perspirationis interceptioni tribuenda fuerit occasionalis huius febris causa: nulla enim, quae in sensus cecidit, alias adfuit.

Corpus solidis laxis, nervis debilibus praeditum, studiis assiduis infirmabatur, & ad morbum praedisponeretur, cumque in eo absque alia manifesta causa nervorum functiones praeprimis laedi viderentur, hinc iure hanc febrim malignam lentam vel nervosam nominare licebit. Nullus enim in naribus, faucibus, pectore sensus molestus, nullae ex naribus destillationes, sive pituitae excretio ex bronchiis, nulla vespertinis horis exacerbatio, vel ex sudore solutio, quae catarrhi statum adnotant, nulla inflammationis signa, quae catarrhum inflammatorium indicarunt, nulla catarrhalis malignae tandem, quae apud non-

nullos crebro auditur, quaeque originem gastricam, biliosam, pituitosam, vel putridam iunctam habet, & ex remanenti tussi, q) alia-
re pectoris molestia manifesta est, aderant.

HISTORIA V.

CEnturio quidam Regiae legionis, qui variis expeditionibus bellicis adfuit, atque gravia inde vulnera accepit, procerus, atque corporis habitus macilenti, quinquaginta circiter annos natus, diu languit, & per plurimos annos arthritide affectus fuit, cui malo medendo medicus quidam magni nominis praescripsit varia, ut mihi relatum est a chirurgo quodam, cum exeunte hyeme 1786. in consilium me advocaret apud aegrotum. Gravissima enim tunc temporis diabete chylosa correptus fuit, atque in tantum urinae profluvium incidit, ut fere die nocteque nulla esset mora, idque non ad modum stillicidii, sed ad aliquot uncias una vice ad minimum, bina congia urinae spatio

q) Hinc cl. STOLL. l. c. T. III. p. 42. „ Qui ex febre maligna catarrhali eluctari, & convalescere incipiunt, non raro in tussim veluti catarrhalem incidunt, maxime noctes interpellentes.“

viginri quatuor horarum mixxit. Varia medicamenta, & inter haec praecipue cortex peruvianus, serum lactis aluminosum, tinctura cantharidum, adhibebantur, & tandem etiam vesicatorium offi sacro applicabatur, quibus ad plenam sanitatem restitutus est.

Elapso nunc anno, rursus eodem chirurgo me certiolem faciente, ad aegrotum vocatus sum.

Die 8vo Martii 1787 cum primum ipsum inviserem, statim omnia symptomata, quae febrim nervosam comitari solent, videbam. Aderant cephalalgia, mens confusa, & animo ita erat contristatus, ut de morbo suo lacrymans mihi referret. Carpo manum admovent pulsum tetigi febrilem, celerem, debilem. Corpus blanda sudatione madebat. Exspiratio erat suspiriosa. Noctes inquietae, omni somno orbatae. Symptomata incertis temporibus exacerbantur. Ciborum nulla fuit appetentia, lingua conspectu neque cruda, neque impura, urina limpida. Artus leviter tremebant, e lecto surgere non potuit. Quo in statu duabus septimanis post morbi inflictum, cum paullo ante arthriticis doloribus fuerit correptus, praeterlapsis, eum deprehendebam. Cum nunc alvus moram necceret, singulis binis horis dati

sunt pulveres ex rhei granis decem, & magnesia scrupulo constantes. Succedentibus diebus, immutata rerum facie, varia adhibita sunt medicamenta, veluti decocta ex radice valerianae & angelicae, spiritus Mindereri, liquor cornu cervi, & camphorae.

Die 18vo in crudelem incidit diarrhoeam; materies enim cruda magno cum impetu per inferiora secessit. Vix vero exhibitis pulveribus ex drachma dimidia radice arnicae, ^{r)} alvus pedetentim inhibebatur. Aegrotantis potui ex panis decocto vinum rubrum immiscebatur.

At enim vero minus diuturnum fuit hocce allevamentum; vix enim quatuor diebus elapsis, alvus mucosa, aquosa; crebro diu noctesque reddebatur. Ergo denuo repetitus est quolibet bihorio radice arnicae usus, aucta ad decem grana qualibet dosi, extrinsecus clysmata ex cortice peruviano, floribus chamomillae, & vino rubro applicata sunt, quo sub usu alvus sistebatur. Vires, quas diuturnitas morbi, & alvus fluens valde nunc fregit restituere conatus sum corticis peruviani decocto.

^{r)} „Diarrhoeas maligne febrientium diuturnas, quae vel vires convellunt, haec radix (arnicae scilicet) pro quovis alio medicamento fortunate compressit.“ STOLL. l. c. T. I. p. 22.

Die 25to sudor enormis, colliquativus, non levans, viresque prostrernens biduum continuatus erumpebat; adiunxi chinae decocto radicem serpentariae virginianae, cui interpositum infusum salviae vinosum erat. Sub continuato horum remediorum usu sudor compecebat.

Die 28vo tandem aeger lotium emisit leviter turbidum, secedentem, copiosum; a quo tempore, superstitionibus solis languoribus, quos dein quoque largus chinae chinae sustulit usus, & etiam nunc melius, quam a pluribus retro annis per omnia se habet.

Praedisponere ad hunc morbum summa systematis nervosi imbecillitas, quae per varias invaletudines citatas sensim paullatimque inducebatur. Excitabatur vero haec dispositio s) ab arthritica materie, quae forte profundius & abundantius latebat, quam ut a debilitata nimis natura e corpore elidi quiverit. Ex signis vero adductis facile cognoscitur, & ab

s) „Praedisponens dicitur causa conditio quaevis corpori inhaerens, quae illud aptum est, nata occasione morbum suscipere. Occasio est, quidquid praedisponenti superveniens hanc excitat, una morbum pariat.“ Vid. celeb. GAUB. l. 6. P. 24.

aliis potissimum distinguitur febris haecce. Omnia enim, quae alias febrim putridam, biliosam, inflammatoriam, aliamve comitari solent, deficiebant. Diuturnus fuit morbus, serius quidem sed perfecta iudicatio facta est, quum diuresis, quicquid acre vel morbosum in corpore haerebat, assumpsit.

Non semper adeo felices sumus in curandis his febribus, quae; uti in omnibus singulisque morbis, vel sua aut aegri natura nunc faciliores, nunc difficiliores sunt. Infaulti eventus ratio magna ex parte in hac febre a languidiori & debilitata nimis natura, a quantitate materiae febrilis, a mala eius crasi, a locis & partibus, quo desertur, ab imperfectis crisis & damnosis molitionibus pender. Imo ipsi in medendi methodo errores, venae sectio & remedia cathartica, quaeque sudores & excretiones paullo evidentius movent, aliaque, quae intrinsecus atque extrinsecus, nulla iusta virium aestimationis ratione habita, quacunque de causa contingunt, mortem quandoque praebere observatum est.

Pro exemplo tres tales historias afferam.

HISTORIA I.

Die 25to mensis Augusti 1781 a marito rustico, qui rure vixit, ad uxorem ipsius vocabar, quae iam per aliquot septimanas graviter decubuerat :

Aegrota tricennaria abhinc septem vel octo menses peperat infantem robustum ; statim autem a partu secutus est incredibilis sanguinis fluxus, cui tandem supervenit liquoris albi fluxus copiosus .

Puerum ipsa lactavit ; licet toto lactationis tempore parum lactis in mammis colligeretur .

Per totum gestationis tempus valetudo adversa , moeror diuturnus antecessit .

Duobus ab hinc septimanis levi frigoris atque caloris sensu corripiebatur, qui sequentibus etiam diebus rediit, sibi vero neque tempore , neque gradu , neque duratione respondebant hae accessiones .

Plerumque intra lectum exiit, lassitudine languebant membra, leviter insaniebat ; & se nullo modo dormire posse asseverabat . Urina, quam secum portabat maritus limpida erat . Non obstantibus omnibus medicamentis, quibus bubulcorum, opilionum, aliorumque

consilio usa est, quaeque in sanguinis detractione, liquoribus acribus spirituosus, purgantibusque consistebant, auctus magis est die in diem morbus.

Haec rusticus ipse narravit.

Statim cum adirem aegrotam, examine ulterius instituto, febre maligna lenta laborare iudicavi.

Nam praeter ingentem debilitatem, insomniam, anhelosam respirationem, surditatem, aderant deliria tranquilla, stupiditas.

Pulsus erat debilis, celer, & quandoque intermittebat, lingua sicca tremebat, atque contra voluntatem movebatur. Sudoribus partim calidissimo regimine, nimisque stragulis productis, partim colliquativis difflebat.

Uno eodemque tempore altera in gena cadaverosum erat frigus, in altera vero calor.

Pustulae rubrae, & albae miliares iam elevatae, collum, pectus & abdomen occupabant, intermixtis parcioribus petechiis rosei coloris.

Tandem vero spasticae contractiones, & deglutitionis laesio, sine ullo, ut oris inspectione constitit, tumore aut inflammatione animadvertēbatur.

Nulla lingua impura, nullus sapor amarus, aut nauseosus, aut alia symptomata biliosarum aut pituitosarum sordium in primis viis colluviem demonstrantia, neque minus spiritus foetentes, urinae, sudores, aut alvi pessime olentes, aliaque putridarum signa degebantur.

Petechiae enim nulla putridae febris indicia praebebant, quum nullum reliquum aderat apparens putredinis signum; & quando hoc ad sententiam nostram de putredinis absentia, corroborandam, non sufficit argumentum, foliis calidis aromaticis, regimini, & eiusmodi aliis, quae sudores inutiles prolicere, humores exsiccare, acres reddere, & ad putredinem reducere valent, potius humorum dissolutionem adscribendam, & ad morbi effectus referendam fuisse, fateri licet. Denique omnia deerant, quae sanguinem inflammatum indicabant. Pro-catharticae causae vis, nisi frigus susceptum, atque hinc transpirationem cohibitam assumo, obscurissima mihi quidem erat, at manifestior proëgumena. Ad haec tristitia adversa valetudo, nimiae sanguinis evacuationes, lactatio & alia, quae iam infirmatam aegrotam exhausserunt, atque enervarunt, referenda. Indicatione igitur a vacillantibus vitae viribus desumpta, tentata

sunt frustra vesicatoria , china , champhora , moschus , serpentaria , vinum , quaeque morbo convenire arbitrabar ; at irrita erant omnia , incidit enim in soporem , & homo anhelitu , & suffocata moriebatur .

Quaestio hic moveri posset , an non morbi ratio potius in lactatione , & pro tabe nutricum a celeberr. MORTONO descripta , 1) morbus habendus erat ? nulla morbum anteibat hysterica passio , aut suffocatio , quae tamquam praesagiens symptoma stabilivit cl. auctor , nulla progressu morbi tussis , calorise hecticici , cum hoc morbo semper coniuncti , aderant indicia ; minus ergo probanda haecce opinio est .

Critica evacuatio in hac aegrota facta est nulla , materialis enim febris causa (quaecunque fuit) a debilitata nimis natura partim re-tenta , & partim ad pulmones delata , morbi efficacia oppressam aegram suffocavit .

Funeſtum hocce exemplum denuo docuit , quantum venae sectiones , laxantia aliaque in-tempestive adhibita afferant damni .

1) Vid. ei. oper. med. p. 14. ed. Genev.

HISTORIA II.

Quidam vir annos cīrciter quinquaginta natus, ruri degens, ad hypochondriacum malum inclinans, iam pridem de laesa digestione, appetitu deficiente conquerebatur. Abdominis tormina saepius patiebatur, ita quidem, ut alimenta aliqualis consistentiae, vel facile fermentescibilia perferre nequiret. Laxantia, mixturas salinas, extracta amara, saponem & resolventia, & tandem corticem peruvianum adhibuit, & inde persanus per spatium dimidii fere anni mansit; exceptis intervallis incertis, quibus ob appetitum inordinatum, laxantia mitiora, interpositis extractis amaris, sumpsit.

Septimo tandem Februarii 1783 per litteras opem imploravit, se ventriculi & intestinorum debilitate denuo laborare, coniecturans. Varia elegi medicamenta in hunc finem pendentia. Aeger autem auxilium non percipiens, alia exoptavit, meque decimo tertio rogavit, ut ad se venirem. Ambulantem quidem in domo, sed tristiores praeter consuetudinem, anxium & suspiciosum inveni. De capite quasi obnubilato conqueritur, ita ut quasi semiebrius videretur. Morbus sine manifesta, quam referre posset, occasione, cum
nulla

nulla prava victus ratione antea usus esset, cumprehendit crebris vomitionibus, horripilationibus, subsequenti levi calore. Somnus deficit, aut dormire saltem incipiens, ex teris insomniis, subito cum terrore expergiscitur. Appetitus nullus, sitis nulla, alvus clausa, pulsus febriles, tardi, rari, subinde inaequales observabantur. Lingua tenui albo muco obducta, urina tenuis & pallida, sudores inaequales. Grana quindecim rhei & drachmam semis magnesia omni bihorio, & quidem tres tales pulveres sumsit. Alvum bis posuit. Hinc melius quidem se habebat, sed sub vesperam magnae de capitis dolore querelae cum pulsu contracto, frequenti & debili. Propinabatur mixtura sic dicta Riveriana ex salis absinthii drachmis duabus & succo citri parata, & vesicatorium cervici applicabatur.

Domum redibam.

Quatuor diebus elapsis, urgente morbo, accito mihi narrabant adstantes, aegrotum ambulatorium, ab omni dolore liberum bonam valetudinem non suspectam habuisse; etsi per noctes vigilaverit, & incertis intervallis, quibus anxietatem, vertiginem, orgasmum, levem calorem sentiret, male se habuerit. In hoc falsae integritatis statu permansit ad hunc

usque diem, quum sellae perforatae insidens animi deliquio afficeretur. Mite delirantem, atque obmurmurantem, pulsu celeri, parvo & debili, ingenti cordis angore, languore universalis correptum inveniebam. Vix elapsis duabus horis, artus, manus, pedesque convelli incipiunt, oculi contorquentur, labia hinc inde deducuntur. Per varia adhibita intus & extra medicamenta antispasmodica remittebant quidem symptomata, sed versus vesperam omnia in deterius ruebant. Omnium fere tendinum assiduus saltibus corripitur, & singultibus vexatus, sudoribus diffluit, accedit coma, adulta nocte extinctus est.

Præsentem illum casum commode nervosis febribus accenseri posse, satis superque deprehendi, cujus rei suspicionem potissimum suggestit.

Imo constitutio corporis. u) Febris sine notabili materiae morbosæ causa illum arripiebat, per accuratam enim diætæ ordinationem, equitationem moderatam, in morbo nondum in-

u) „Dantur nimirum constitutiones corporis, qualem in hypochondriacis & histericis observamus, qua levissimis causis accedentibus phaenomena

veterato , depravato viscerum statui optime succurrit, & meliore gaudebat sanitate. Nulla digestio læsa, nulla mala sanguinis stasis, sive lentor in systemate venarum portarum, nulli infarctus in abdomine observabantur; & si darem etiam depravatam viscerum imi ventris conditionem adfuisse, haudquaquam proxima febris causa inde exoriri potest, cum talem statum ad chronicos tantum morbos restringere debeamus. In constitutione ergo prædispositio morbi ponenda erat, superveniente levi quadam causa occasionali, quæ fomitem febris constituit. Refrigerium forte subitaneum, vicino in cubiculo frigidiori sellæ insidenti, atque sudanti ægroto admissum, materiam perspirantem ad nervos detulit; unde convulsiones excitabantur.

2do Tandem loco augurium hocce meum plenius confirmarunt signa, omni & solo huic morbo solemnia. Noctes scilicet insomnes, symptomata graviora ex improvise accedentia, calores leves, & sudores inæquales, pulsus celeres, parvi & debiles, & denique alius generis febres concomitantia symptomata deficientia.

producuntur, quæ alias graviores causas ad sui existentiam supponunt. " Vid. cl. RAHN l. c. pag. 304.

Denique nullum mihi est dubium relictum, cum ipsæ optimorum practicum observationes nostræ simillimæ certos nos reddiderunt. v)

Exacerbatio atque mors die critico, undecimo nempe morbi die sequebatur, quum neque satis potens fuit natura nociva ad certos exitus amandare, in materia morbifica coquenda & evacuanda nimium torpebat, & morbo in secundum stadium transeunte, opprimebatur,, w)

Pro subjectorum diversitate & causarum intensitate, inconstantia, & perpetua varietas unius ejusdemque morbi est. Mille namque morborum causæ, varia aegrorum temperamenta, ætatis, sexus, vitæ genera, climata diversæ naturæ, variæ annorum constitutiones, & varia semper influentes, innumera denique alia, quæ ad producendos, favendosque morbos concurrunt, ita interdum certam, constantemque morbi, & suorum symptomatum naturam per-

v) Conf. cl SELLE l. c.

w) „Est autem primum & maximum in morbis mortalibus signum, quod sine crisi mors sit subsequutura, virium imbecillitas, natura ita prostrata, ne ad pugnam contra morbum excitetur.“ GALEN. de crisi bus lib. 3. cap. 10.

turbant, ut difficile sit veritatem investigare, nisi complexus horum omnium sagaci rationis usu perpendatur & illustretur “ x) Quod cum probe sciverit celeberrim. Gaubius sequentia deposuit „ Haud tamen dissimulandum est, suis premi dubiis, obscuris, conjecturalibus, nunquam prorsus extergendis medicinam: neque enim datum mortalibus, aut suam, aut rerum inter quas versantur naturam penitus comprehendere. At communis illa ingenii humani imbecillitas quem non stringit? gravius quidem medicum ob inexhaustam materiæ, qua occupatur, amplitudinem “ & in paragrapho sequenti „ Privatum insuper evidentiae obstaculum hoc est, quod singuli homines a singulis tantopere differant: nec vero sufficit, medicum communia modo intueri: oportet & cuivis homini propria; ut qui singulorum salutis præsit. Quæ quidem diversitas tam immensa occurrit, ut nulla observationum vi exauriri possit “ y)

Sequens historia cum præcedentibus comparata dicta confirmabit.

x) BAGLIV. prax. med. lib. 1. §. 12.

y) Vid. l. c. pag. 9. & 6.

HISTORIA III.

Rusticus, qui agrum colebat in vicino paggo, decimo octavo Aprilis 1786 meum expectiit auxilium. De morbo quaesitus nuncius, nil, nisi quod aegrotus singultu correptus sit, denunciare potuit.

Quum ipse aegrotantem adirem, rusticus sequentia retulit. Se esse aetatis sexaginta trium annorum, alias bene valuisse, sanumque fuisse, nullam originis mali causam nosse, nisi quod abhinc fere decem diebus, nocte jam ingruente, sub dio versatus, atmosphaera humida & frigida, postquam ex laboribus excalefactus esset, domum redux, capitis aliqualem, resentiret imbecillitatem, & subsequente nocte levibus horroribus, atque caloribus corriperebatur. Ad quaestiones: An nimiam ciborum copiam adsumserit? an nausea & vomitus morbum praecesserit, vel huic juncta fuerit? an febris ingressus certis horis adstrictus fuerit? an non ullæ postulae vel exanthemata, quæ pectus, collum, aliasve corporis partes occuparent, evanuerint? ad hæc & multa alia respondebat, febrem quotidie vel bis vel ter exiguo vero gradu cum & sine præviis horroribus leviori-

bus exacerbata, somni defectum, fastidium ciborum morbi comitem fuisse; se nullas pustulas, aut efflorescentias vidisse; sponte vero confessus est, se ex circumforaneorum portatiles suas officinas secum ducentium apparatu pharmaceutico coëmisse pilulas, & essentias mediocri quidem pretio, sed maximo sui damno.

Infinitas enim excitarunt hae panaceæ vomitus & secessus, atque *ἄνω καὶ κάτω* mucosæ materiae quantitatem eliminarunt. Debilitate, anxietate, atque singultu inde prehendebatur. Ex his omnibus mihi nondum satis constitit morbum determinare, ab evacuantibus, vomitoriis, & drasticeis purgantibus debilitas quidem inducta est, ex reliquo vero vitæ genere & corporis constitutione vix divinare mihi licuit nervosam febrim, multoque minus, quum neque ex epidemica constitutione, aut ex contagio ortum suum duxerit.

Nullos vero in curatione errores me commissurum existimavi, quando sequentibus indicationibus satisfacerem: si nimirum motus convulsivos mitigarem, dein, quum indicatio vitalis urgeret, ægroti vires erigerem. Inter illa, quæ, primæ indicationi conveniunt, remedia elegi externa ex asa foetida & opio, pro emplastro abdomini applicando; & interna e

moscho: quod ad alterius indicationis scopum pertinet, præscripti corticem peruvianum & serpentariam virginianam decocti forma, cui post decoctionem pauxillum camphoræ addebatur.

Vicesimo tandem die ex nuncii relationibus & ipso intuitu ex symptomatum analogia, ex absentibus indiciis biliosæ, putridæ, aliussve febris, & tandem ex systematis nervosi affectionibus, nulla ex manifesta causa originem trahentibus de febre maligna convictus sum. Somnus enim adhuc deficiebat, singultus non cessaverat, lingua luteo cum margine in utroque latere, in media parte arida, (quod & cl. Huxham similibus in febribus observavit) tremebat. Accedebant sudores nullum levamen procreantes, obmurmurabat, mite delirabat, nil sponte desiderabat, oculis depressis albedinem ostendentibus stupidus jacebat, acutissimo clamore vix afficiebatur, & interroganti confuse respondebat. Pulsus erant celeres, frequentes. Urina nullum sedimentum deponebat. Pedes, crura, & femora frigebant. Faciei pallidus erat color. Oculi lacrymosi.

Præter vesicantia suris applicata præscripti adhuc varia. De effectu autem medicamentorum, & an sumserit, quum istiusmodi homines cito remediis satiantur, nil audiui. Elapsis

tandem aliquot septimanis, mihi, ægrum, triduo exacto, postquam inviseram, periisse relatum est.

Annotatas febrium nervosarum observationes evolvens, non facile alios homines ad hanc febrim inclinare invenio, quam qui habitu corporis laxo, nervis debilioribus; sensibilibus, hypochondrica vel hysterica passione, nec non quos graviora animi pathemata, moeror, tristitia, studia, vigiliæ immodicæ infirmarunt, vel nimix evacuationes exhausserunt, præditi sunt; hinc cl. Selle dicit „ febris in constitutione robusta ex refrigerio contracta, non facile nervosæ febris indolem servabit, quum plurima harum causarum pars, varios, pro varia corporis conditione edat “ 2) Noster autem ægrotus, qui quoad vitæ genus, staturam & temperiem, agros colendo, pane nigro, carne fumo indurato &c. vivebat, solidis firmis compactis, ita ut inter quadratos facile referri potuisset, gaudebat, & temperamento præditus erat boeotico. aa) Quidquid igitur

2) Pyretolog. pag. 57.

aa) In hoc imminuta & torpida est vis vitalis, lentor & tenacitas omnium functionum adest. Vid.

adversus obvenit nostro ægroto, quem certe neque inflammatio, neque putrida diathesis sive primarum viarum; sive humorum omnium occupaverat, non facile idiosyncrasia adscribi potuit. Difficile hinc erat ex datis circumstantiis eruere causas tam proëgumenas quam procatarticas, quæ morbo nascendo inservire poterunt; nisi commoratio vespertina in aëre humido & frigido feбри inferendæ aliquid contulisset; & fortasse etiam factum est, ut intempestivis, atque reiteratis evacuationibus a legitimo ordine deflexerit morbus, atque funestus evaderit.

Febris nervosa vel maligna lenta sudatoria.

Nomina, quæ veteres febribus frequentius quibusdam imposuerunt, a symptomate quodam urgente desumpta sunt; sic Elodes ex peculiari symptomate, quod perpetuis sudoribus disfluunt ægroti, appellarunt. Symptoma vero hocce nec genus nec speciem febris constituit,

quemadmodum enim in iis, qui phthisi & tabe laborant, nec minus, qui gastricis, putridis, imo etiam tertianis *bb)* decumbunt febribus hocce liquationis genus aliquando supervenit, sic etiam in illis febribus, ubi nulla caechyliæ signa, nulla sanguinis, reliquorumve humorum dissolutio, atque corruptio, uno verbo, ubi nervosi generis absque manifesta aliqua acrimoniæ colliquantis vi, quæ originem forte malo præbere posset, functiones perturbatæ sunt, & quas a putridis, aliisve febrium generibus discernere didici, aliquando nimiam talem sudoris evacuationem, symptomatis instar, urgere videmus.

HISTORIA MORBI.

Nono Maji die 1784 ad juvenem aegrotum, vicesimum agentem annum, tenerrimo corporis habitu præditum, qui varias sollicitudines, paupertatisque difficultates; & frequentissime refrigeria pertulerat, accersitus sum.

Per quatuor dies quotidie pene, incertis tamen temporibus, leves caloris frigorisque vi-

bb) TORTI therap. special. l. 3. cap. 1.

ciffitudines patiebatur. Sudoribus, qui non solum circa caput, collum, aliasve corporis partes, quosque lecti tepor non prolicuerat, quum in domo adhuc obambulare, manabant, perfusus quasi difflebat. De lassitudine, vertigine, capitis dolore sincipitis partem occupante, & præcordiorum anxietate querebatur. Quibus minutum cibi desiderium, nausea, animi deliquia se jungebant. Pulsus erant languidi, inordinati, & debiles. Alvus compressa. Lingua tenui muco obvestita, cæterum humida & bona. Eccoprotico ex rhabarbaro dato, ter alvum dejecit. Circa noctem increvit febris pulsu crebriore, & celeriore, sed languido, cum pectoris angustia, atque oppressione. Per noctem somni nulli, & cutis sudore adpersa.

Altero die assidui sudores. Sollicitationes ad vomitum. Emetico parum phlegmatis insipidi ejiciebatur. Perseverabant vomendi conatus, ut ut nullis sordibus scatere videbatur ventriculus. Dabatur haustulus Riverianus. Paulatim conquiescere stimuli. De nocte sudor, nullus somnus.

Tertio die undecimo Maji, & septimo morbi die leviter insanit, & vires ita deficient, ut vix supino situ se movere possit. Manus tremunt. Lingua albida. Vultus modo ru-

bescit, modo pallet. Renum liquores sanorum similes: Sudor vaporis instar, adscendit. Pulsus parvi, contracti, atque inæquales. Gastricæ indolis esse febrem suspicans, rheum refracta dosi, ad saburram identidem educendam, præscripsi, unde aliquot secessus subsequuti sunt.

Duodecimo Maji levius se habere videbatur, mens sanior, sed perdurat sudor. Medicamento pridiano interponebatur corticis peruviani decoctum. Sub vesperam ejusdem adhuc diei omnia exacerbantur. Loquitur multa, sed non ad rem. Mens obnubilatur quasi, interrogatus enim vix respondet. Pulsus fluctuantes. Nox insequens inquietissima fuit sine ullo somno, cum tremoribus atque spasmis. Decimo tertio sudoribus profusioribus pustulæ miliares erumpebant. Virium defectio, & languor ita increvère, ut animi deliquiis sæpe corripere-tur. Mens inconstans. Lingua rubra, & humida. Urina limpida cum parçissima suspensione. Cantharides suris apponebantur.

Decimo quarto nox non fuit sine ullo somno. Sudor moderatus, omniaque paulo mitiora.

Remisit etiam animi inconstantia.

Decimo quinto, & decimo sexto satis commode se habet, at decimo septimo profuse alvus fluere incipit. Sudor frigidus & viscidus

fronte emanat. Sensus alieni & stupidi. Ad sistendum fluxum gelatina ex cornu cervi raso, addito vino rubro aqua diluto, adhibebatur, & corticis peruviani decocto aliquot laudani liquidi Syd. guttulæ adjiciebantur.

Fluxus paulatim decrevêre, atque bono successu continuatum est decoctum illud ad quadrinos dies. Alvus enim nec profuse fluebat, nec claudebatur. Nil incommodi præter virium defectum sentiebat, mente tamen non constans erat, & pulsus adhuc febriles erant.

Vicesimo primo pectoris oppressionibus atque spasmodico gutturis veluti præfocati sensu afficiebatur, nil liquidi deglutire potuit, quin, illis oblatis, suffocationis periculum augeretur; hinc aspectu anxietatibus affligebatur, & difficillime ad bibendum impelli potuit. cc)

Præscripti sunt pulveres saccharo triti ex moschi granis quinque, & camphoræ granis

cc) Hydrophobia spontanea, vel symptomatice a recentioribus appellatur. HIPPOCRATI ipsi hoc malignarum febrium signum non ignotum fuisse ex scriptis eius constat. Sic ait prænot. 265. „ Vehementer dolentes fauces absque tumore cum labore & molestia præceps exitium minantur. “ & 275. „ Ubi fauces in morbis acutis graciles sunt, parvae ac dolentes, atque ubi os

duobus, singulis horis capiendi, impositum quoque pectori vesicatorium est,

Vicesimo secundo, eadem circa pectus incommoda. Fatuæ ad somnum inclinationes cum deliriis. Accessit singultus cum tendinum tremoribus. Arteriarum pulsus celeres, inæquales, & parvi, ita ut vix percipi queant.

Vicesimo tertio Maji, liberius spirat: non desunt quidem sudores, sed moderate fluunt, cum iisdemque urinam turbidam emittit. Simul & pulsus molles æquales spasmodumque cessatio.

Vicesimo quarto, quum alvus ternis vel quaternis diebus officio non satisfecisset, clysteribus soluta est.

In adsumendo corticis peruviani decocto nunc perrexit, & inter lassitudinem quandam, brevibus somnis non valde reficientibus atque recreantibus, sub deliriis levioribus, modicisque sudoribus procedebat morbus.

Quintum Junii mensis diem, ubi saliva fluere incipiebat, Salivalis iste liquor paulatim tanta copia excernebatur, ut die noctuque, quo commode exiret, os hiare deberet, & su-

hiarit, si gracile appareat, nec facile contrahi possit, mentis emotionem metueret oportet. “

pinus decubitus prohiberetur. Omnia nunc symptomata mitigabantur.

Mens resipiscebat, somnusque reficiebat. Tumor etiam in inguine dextro duriusculus sine dolore aut rubedine prodibat. Superimposito emplastro resolvente resolutionem moliri conabar, quo etiam adjumento penitus propulsatus est.

Paulatim desinente pyralismo, lente quidem, sed ex integro, ad naturæ modulum corpus rediit, & per omnia sanus evadit.

Nulli certe dubitationi locus est, quin, sive ad nervorum affectiones, & multa illa nervosa symptomata, sive ad totum morbi decursum respiciamus, febris illa neque ex putridarum genere, neque gastricæ indolis, quam initio morbi accusabam, fuerit, atque adeo nimiam tenuissimi liquidi per cutim epulsiorem, quod absque prægressis ullis statim primi morbi diebus coctionis signis prodibat, nulloque ideo naturæ, sive artis molimine provocabatur, uti symptoma morbi considerandam, vasorumque illorum in cutis superficie eructantium, insensibili perspirationi dicatorum, laxitati atque debilitati adscribendam fuisse.

Nono die morbi miliarium eruptio fiebat, sed manserunt mala symptomata.

Unde

Undecimo diarrhoea immodica colliquativa absque ullis biliosarum vel putridarum for-
dium signis, neque salutaris. *dd*)

Decimo nono die mente constabat, urinæ
criseos signa præ se ferebant, his morbus qui-
dem sublevabatur, sed nondum terminabatur.
Pergebat enim minori gradu, donec trigesimo
primo ptyalismus summam opem tulit; hac
enim copiosa excretionem perfecte iudicatus est.

Febres bilioso-nervosæ.

Mater & tres nati, mali corporis habi-
tus, & pauperate pressi, mense Junio 1783,
quo tempore plures febre biliosa laborabant,
morbique a bile oriundi multiplices prædomi-
nium obtinebant, (apoplexias enim pleuritides,
& peripneumonias, colicas, arthritidem ex
fomite bilioso tunc vidi) animo tristi metuque
objecti a me sunt inventi.

Omnes languorem sentiebant, cui sensuum
obnubilatio, tremores, capitis dolor, anxietas,

dd) In alvi perturbationibus & vomitionibus, quæ
sponte eveniunt, si qualia oportet purgentur,
conducit, & facile tolerant, sin minus contra
fit. " Aphorism. 2. sect. 1. edit. Foes.

& repletionis sensus ad præcordia, fastidium, ciborum, vomendi conatus accedebant, intermixtis horroribus, & caloribus levioribus, pulsu debili, lingua flava, sapore vitiatō amaro, faciei colore ex pallido flavescente.

Mater quadraginta annorum a multis huc usque annis valetudinaria & hysterica; puella octodecim, chlorotica; soror quindecim, infirma & adversa valetudine semper usa, cui catamenia jam fluxerant; & juvenis frequentioribus e naribus sanguineis evacuationibus exhaustus, viginti duorum annorum erat.

Ex quibus, servatis reliquis, puella quindecim annorum vi morbi oppressa succubuit. Præmissis solventibus, omnibus emetica exhibita sunt; multa biliosa vomuerunt. Caput omnibus valde ægrotabat, confusum, stupidum. A propinatis pharmacis alvum leniter cientibus, materiamque biliosam evacuantibus nullum aut perexiguum levamen. Præter puellam natu minimam reliqui in domo ambulabant; hæc enim statim quinto morbi die pejoris conditionis fiebat, stupida, immobilis, taciturna, assidua in somnum proclivitate, inter deliria mitiora; noctu præsertim pulsibus celerioribus, inæqualibus, sudoribus assiduīs, urina limpida, lingua mucida, variisque manuum spasticis contractio-

nibus, lecto erat adstricta. Dabantur illi pulveres ex radice valerianæ salinis mixti; reliquis qui insomniis, vertigine, inæqualibus sudoribus, nidorosis saporibus levique surditate correpti, invite lacrymabantur, saliva digestiva.

Die 12mo Junii manuum pedumque convulsionibus, quarum vis, atque frequentia ita increvit, ut, elapsis aliquot horis, totius corporis partes fuerint convulsæ, oculis torvatis, & ad quæstiones nihil vel aliena respondentem, infestam deprehendi puellam. Sub usu vero pulverum ex radice serpentariæ virginianæ, moscho & camphora, imminutæ sunt spasmodum accessiones, & subsecutus sudor largissimus, & urina turbida. Præterea vesicantia suris sunt applicata, & ob alvi segnitiam clyisma injectum copiosam biliosam ejectionem effecit.

Reliquis, quibus extra lectum commotionem languor & morbi progressio non desinebat, præscriptum est decoctum ex cortice peruviano, additis tartari emetici aliquot granis; matris vero decocto, quam alvi fluxus enervans biliosus, atque exhaustiens exercebat, loco tartari emetici sal ammoniacum adjiciebatur. Sequenti die nihil emendatam vidi puellam, quum stupida jaceret, strepitu & frequentioribus agitationibus vix emoveretur, vi-

sus & auditus deperditus, lingua nigra, pulsus vermiculares vixque perceptibiles erant. Artus, lingua, & labia tremebant. Excrementa biliosum quidem colorem, sed nullum foetorem edentia invite exhibant. Sudores frigidi, inæquales circa caput & collum emanabant. Antispasmodicorum, cardiacorum, & potuum vinosorum usu ægrotæ vires parum erigebantur, sed mansit illa in soporem proclivitas in quartum usque diem, quo convulsionibus universalibus, miserrime vexata ægra sub stertoribus, sonorisque respirationibus exspiravit.

Reliqui assidue quidem sed mite deliraverunt. Omnibus vesicantia applicata sunt, matri præcipue ob vertiginem & acerrimum capitis dolorem ad nucham, aliis ad suras.

Lotium plerumque pallido colore, alio tempore turbidum adparebat. Vigiliis diuturnis vexabantur. Ad occiput cephalæa ingravescebat. Pulsus tardiusculi & nunquam elatierant. Semper morosi & taciturni erant.

Mater de frequentioribus pectoris oppressionibus querebatur. Lingua morbi initio flava cum signis saburræ biliosæ humida fiebat, & crusta sordida flava separari incipiebat. De nullo amaroris sensu amplius querebantur. Sudores confertim manabant. Alvus compressa ene-

mate vel levioribus eccoproticis ex rheo & sale quodam medio sollicitabatur, vires cortice, serpentaria, spiritu Mindereri, & camphora erigebantur. Tandem juvenis post tres, mater & filia post quatuor septimanas, postquam his saliva mucosa, salivationis instar, ex ore fluebat, viribus in dies crescentibus. convalescebant.

Prima jam facie in his ægrotis utriusque febris complicationem ominibar; nam sapor amarus, ructus amari, vomitus biliosi, conspiciente & tempestate, cui bilis imperabat, characterem constituiebant biliosum; at alia in his fuit febris ratio, nullis enim sese manifestabat exacerbationibus quotidianis; nullas alternis diebus, sive duplicis tertianæ habuit accessiones; quæ enim accessit febricula nervosæ fuit indolis, & nullum typum servabat. Pulsus naturali parumper celerior erat, minus tamen, ac in biliosis; calor temperatus, nec tam vehementens, quam in illis, qui alias bilioso morbo tenentur; urina in bilioso statu ruberrima, mox limpida, mox turbida erat; sitis tandem, alias multa atque impacabilis, fere nulla erat. Hinc omnia ad amissim neque ad nervosam, neque ad biliosam perfectam atque puram respondisse, morbumque complicatum fuisse, facile patet.

Iniquissima vitæ conditio, ærumnarum plena, sollicitudines, mœror, & tristitia, nervoso systemati imprimis inimica, in corporibus jam fractis debilitatem atque infirmitatem accersit; his dispositio in nervosam febrim nascatur: quæ, peccante & gastricos humores simul vitante bile, in febrim prorupit, quæ a bilioso certe vitio proximam non ducebat originem; rejectis enim licet copiosis sordibus biliosis, nullum ægri percipiebant levamen, donec vesicantium cardiacorum stimulo, torpente natura suscitata, morbique vi superata, in juveni largioribus æqualibusque sudoribus, & reliquis, excepta puella, quæ acrius periculosiusque infestata, artis quibuscunque præsidis non auscultante natura, succubuit, salivatione morbus judicabatur.

De febris vernalis complicatione cum febre nervosa.

Febres tertianæ simplices plures mensibus Aprili, Majo, Junio, &c. 1787 occurrebant. Hinc inde etiam paucæ quædam gastricæ benignioris naturæ videbantur. Puitosa materies, quæ primas vias obsidebat, primarium continebat fomitem, atque nunc febres intermitten-

es, nunc febres continuas remittentes cum quotidianis exacerbationibus generabat.

Pauperioris fortis & conditionis homines, quibus victus duriores, præcipue carnes fumo induratae, casei, solana tuberosa, aliaque communissima sunt edulia, præ aliis maxime his febribus subjacebant. Præter vernalem tempestatem intestinalis colluviei, pituitosæ præcipue, generationi maxime faventem, transpirationis negotium hoc tempore frequentissime impeditum, ob acre retentum & ad intestina delatum ansam præbuit. Juvenes & robusti, qui ex pituita tali febricitabant, solventibus, emesi, purgationibusque sanati sunt.

Debiliores vero, sequior sexus præcipue, quique curis, vigiliis, mœrore, pathematibusque diuturnioribus infirmati erant, non tam levi opera integritatem recuperabant. In his enim, quæ intermittebant initio, febres subinde in nervosas transibant, vel statim ad mortem sive tertianæ, sive continuæ remittentis non prodibant, nullaque certa periodo sese exacerbabant, atque ad nervosam indolem accedebant. Nullum tales ab evacuationibus levamen habuerunt, quanquam a pituitosis sordibus manifeste liberati fuerint; idem enim fuit corporis languor, & lassitudo, iisdem fugacibus,

tum æstibus, tum perfrigeriis horroribusque; quasi tot parvis febriculis, incerta quasi lege afficiebantur, eadem fuit nausea, idemque ciborum fastidium, etsi vix ullum pravæ materiei, gastricum systema afficientis, relinqueretur signum; tunc non indifferens fuit, debilem membrisque quasi fractum ægrotum evacuationibus persequi. Jungebantur hisce capitis dolor, frigorisque sensus, capitis partem posteriorem occupantis, mentis alienatio, animi afflictio, pectoris angustia, & perpetua insomnia. Pulsus erant celeres & debiles, calor febrilis, at plurimum mitis erat. Interdum caput fervebat, et extrema frigebant. Urina nullum deponebat sedimentum. Aliqui de tinnitu, & susurru aurium conquerebantur. Lingua, quæ antea viscida, tenaci, albidaque pellicula obtegebatur, nunc erat rubra & humida. Alvus neque compressa, neque liquida. Cutis humida & mollis; imo aliqui sudores leves & inæquales habebant. In omni hoc morbi decursu modo obambulabant, modo lecto affixi erant ægri, ita, ut non valde ægrotare viderentur. In hac valetudinis ambiguitate ad tres, quatuor, vel quinque septimanas versabantur, ubi plerique sine evidentiori crisi, alii superveniente levi sudore æquali cum bonæ urinæ sedimento pr.

finam recuperabant sanitatem. Initio morbi profuere emeses, profuerunt quoque, si multa saburralia signa adfuere, lenissima cathartica. Profectiore jam morbo largiores non bene tulere evacuationes: hac ratione enim contingebat, ut, si pluries alvum deiceret æger, vires labescerent, morbique duratio diuturne protraheretur. Prima indicatione ergo in materie solvenda, atque e corpore eliminanda posita, secunda in viribus servandis, illisque sublevandis ponenda erat. Vesicatoria, cortex peruvianus, camphora, spiritus Mindereri, & serpentaria fuerunt tunc opportuna; quæ medelam & curam absolvebant. Ubi autem primæ indicationes omissæ fuerunt, aut sarsum turgens materia purgante remedio excernebatur, aut temere sanguis detrahebatur, per multas septimanas, inter varias calamitates, vires languebant; donec evacuationibus cautissime excitatis, deinde cardiacis alexipharmacisque, ad naturæ vires succumbentes restaurandas, exhibitis, lente convaluerunt.

In quinquagenaria femina hujus generis exemplum vidi. Hæc curis, vita sedentaria, morbis antea superatis, viribus quodammodo fracta, Majo mense in febrem tertianam simplicem incidebat. Frustra adhibita sunt varia

digestiva, atque purgationes repetitæ; motus febriles enim nullum servare incipiebant typum, nullusque dies a febre vacuus excurrerat, & a chinæ usu magis ingravescebat malum.

Die 2do Junii, cum curæ meæ demandaretur, animo erat dejecto, de insolito quodam per præcordia doloris sensu conquerebatur, horrores incertique caloribus mitioribus alternabant. Pulsus a naturali non multum discedebat, cui debilitas quædam conjuncta observabatur. Somni sub deliriis, insomniisque excussi, breves, neque reficientes erant Caput dolebat. Lingua humida & albescente mucosæ. Nausea urgebat, unde ad vomitum sæpe pervenit. Urina erat pallida. Alvus clausa. Saburram mucosam, pituitosamque regnantem statim detegi. Enemate injecto venter solvebatur, &, mitiorum salium mediorum solutione propinata, altero die materiam circa ventriculum turgentem vomitu ejiciebam. Pituitæ hæc ejectio ægrotam multum recreavit.

Nausea vix amplius urgebat. Sed cum reconditam aliquam pituitosam materiem adhuc suspectam haberem, paucum saleæ medium cum refractis tartari emetici portionibus, & dein potionem illam Riverii præscripsi. His alvus quidem blande ducebatur, & materia il-

la pituitosa, quæ ventriculo & intestinis adhærebat, ejiciebatur, vehementer tamen adhuc ægrotabat. Morosa, timida, lecto enim erat adstricta, surditas primis morbi diebus enata, adhuc perdurabat; sudores aderant fugitivi, parvi, & frigidi; æstus febriles modicus erat; extremorum frigus aliquando tactu percipiebatur, dum reliquum corpus calebat; urina limpida, nonnumquam turbida sine ullo sedimento; deliria taciturna, artuum tremores, tendinum subsultus, pulsus inæquales & languidi. Alexipharmacorum, cardiacorum, & ipsius vini his sub circumstantiis usus necessarius erat. Valeriana, angelica, serpentaria, spiritus Mindereri, & camphora, quibus tandem cortex peruvianus subjunctus est, adhibebantur.

Tandem copiosa saliva profluebat, quæ sub quinti diei finem cessabat. Aegra tunc convalescebat, & ad integritatem redibat.

Ex hac didici observatione.

Imo perinde non esse, alienam in ventriculo hærentem materiam purgante aut emetico aggredi, nulloque alio evacuantium genere, id, quod vomitu peragitur, obtineri posse.

2do Minus debilitare purgantibus emetica. Eccoproticis non juvabatur ægra, sed inde perius habuit, quum emetico evidenter allevaba-

tur. Hinc cl. Stoll dicit,, non indifferens est, an emetico an vero purgante in febre saburrali utamur, nec alterum potest alterius vices supplere. Despicere oportet, an materies sursum an vero deorsum turgat. *ee*)

Præter hanc, quam brevissima via, quidquid alieni in ventriculo collocatur, non modo evacuando, emeticorum usus adfert opem, sed & vasorum & nervorum systema concutiendo, quo lingua humectatur, caput allevatur, atque æger recreatur, summum subministrat commodum.

3tio Præmaturum corticis usum ante requisitam turgenti matæiei evacuationem directe non adhibendum esse.

Proximam vero hujus febris causam in pituitosa mole non quærendam, febrimque comitantem nervosam fuisse, inde perspicuum esse arbitror, quod in reliquis pituita laborantibus, sola solventia, & emetica sufficiebant, ita ut, excussa saburra pituitosa, febris enecaretur; febris, quæ reliquos tenebat, statis horis remittebat, sive intermittebat, quum hujus febris remissiones incertæ fuerunt; mens reli-

quis sana, huic confusa fuit, urina alias præ-rubra, huic pallida; insomnia denique & nulla putredinis sive phlogoseos indicia, nullisque manifestioribus causis signa respondentia nervosum characterem palam faciebant.

In alia annosa femina, ubi leves quidam caloris & frigoris sensus, præcordiorum anxietates, lassitudo, capitis dolor, spirandi difficultas, unius vel alterius lateris secundum hypochondria dolores, pleuritidem simulantes, morbum anteibant, sanguis e vena mittebatur.

Post octiduum, vigesimo tertio Maji meum petiit consilium. Ægram inveni sui non consciam. Arteriarum ictus summe parvus, irregularis, & intermittens deprehendebatur. Lingua albido glutinoso mucro obducta tremebat. De morbo interrogata balbutiens confuse & indiferte cuncta prodebat. Mox faciei muscoli, mox artus convulsionibus distractionibusque prehendebantur. Accessit abdominis tensio, alvus difficilis, tussis sicca vexans, summa virium prostratio, urina limpida & cutis sicca. Sanguinem missum nulla crusta tenaci crassa inflammatoria tectum, nullumque inde levamen secutum fuisse, ab adstantibus rescivi. Ceterum narrabant, per omne hoc tempus de sapore oris fatuo, & vomendi conatibus conquerentem

ægrotam cibum fastidisse, noctesque inquietas
 & insomnes transegisse. Quale remedium adhi-
 bitum fuerit, non scio. Hinc, atque etiam ex
 aliis, quæ præcessere, ex habitu corporis laxo,
 crudorum alimentorum abusu morbum compli-
 catum esse suspicabar. Præter symptomata enim
 quæ certe nec ab inflammatione, aut a putrido
 quodam succo derivare potui, quæque nervos
 præcipue affectos fuisse significabant, simul ad-
 fuere signa primarum viarum cacochyliam re-
 ferentia. Viribus jam valde languentibus in-
 conclamata fere ægra vomitiones, purgationes-
 que, quæ alvi profluvium, aliaque funesta sym-
 ptomata afferre potuissent, temere adhibere ti-
 muï; conjunxi ideo medicamenta, quæ sum-
 mam virium penuriam, & debilitatem quodam-
 modo reficerent, materiam pituitariam solve-
 rent ejicerentque. Haussit nempe singulis binis
 horis cochlearia duo decocti, quod habebat cor-
 ticis peruviani unciam unam, cui post colatu-
 ram adjiciebantur tartari emetici grana tria,
 & oxymellis squillitici uncia una. Præterea
 suræ vesicatoriis tegebantur, & aliquot vini
 rhenani haustus propinabantur. Vomuit eodem
 die pituitam copiosam, & quaternis secessibus
 multum colluviei pituitosæ excernebatur. Hos
 inter secessus animi deliquiis corripiebatur.

Pulsus arteriarum parvuli, & contracti erant. Noctem inter deliria transeuntia, & insomnia egit.

Die 24to intermissus est usus hujus decocti, quia alvum adhuc bis posuit, & vires deficiebant. Linguae conditio emendata erat, & cutis humectari incipiebat. Alterum nunc præscripti decoctum ex cortice peruviano, serpentaria virginiana, & spiritu Mindereri. Per sex dies continuos sudore madebat, verum non æquali. Urina mox turbida, nullum sedimentum præcipitans, mox pellucida erat. Continuabat delirium, noctu vero magis quam interdiu, neque minus supererant vigilæ aut convulsiones.

Die 30mo tandem ulcera aphtosa oris prodibant, plurimus similiter erumpebat sudor æqualis, sequebatur urina crassa, turbida, sedimentum deponens, atque nunc per istas crises perfecte sana evadit. Detergentibus utebatur gargarizationibus. Corticis peruviani decocto, cui aliquid rhabbari, ut alvus adstricta simul responderet, addidi. Ulcusculis oris purificatis, perrexit debilissima ægra adhibere corticem peruvianum, unde vires rediere, & sanitas restituta est.

Ex adducta observatione, cui longe plures adjicere possem, facile liquet, pectoris tales

affectiones aliquando simul cum malignis conjunctas, omnisque diatheseos inflammatoriæ expertes apparere, quæ nullam ferunt sanguinis missionem sine majori & evidentissimo nonnunquam ægrorum periculo; quod non ignorans cl. Brendel, ubi summus vir de cognatione, quam habent paraphrenitides cum febribus malignis agit, sequentia memoriæ tradidit., Frequentissime sociam se addit peripneumonia symptomatice, cui quidem respiratio illa difficilior, & anihela cum tussicula conjuncta, non autem latenti, ex vulgari sententia purpuræ tribuenda, neque laterum dolores desunt, pleuritidis imagine symptomatice, sed plerumque leves & rariores, deliriorum ad incrementa procedentium indices “. ff) Alio loco in dissertatione de pleuritide vernali & æstiva, ecquis paulo studiosius in observandis morbis versatur in malignarum febrium initiis &c. non attendit dolores pectoris, pulmonumque acutos satis, alias fugaces perque thoracem errantes, alias stabiliores? referendi huc dolores lateris, Hippocrati pluries memorati, a pleuritidum classe diversi ., gg) Et cl. Huxham,, : Interdum inæqualis & singularum

 ff) L. c. §. 7.

gg) L. c. §. 11.

larum partium calor & rubor, cum magna anxietate, irrequie, delirio, difficultate spirandi, & gravi pondere atque oppreffione præcordiorum succedunt; ita, ut aliquam adesse poffe peripneumoniam, minus cautus credere queat obfervator: fed hic inprimis cave, ne fanguinem mittas &c. “ . *bb*) Mixtum morbi flatum ex pituitofa colluvie & afflicto nervoso genere flatim cognovi: quum vero nervofa fymptomata magis urgerent, indicantia a vitiofa materie directe non erant defumenda, optimo itaque cum fucceffu, evacuantibus cum roborantibus mixtis, ægrotam fervatam atque reftitutam vidi.

Perfiftebat hujusmodi pituitæ difpofitio per æftatem, & cum non raro contingat, ut fecundum varia anni tempora, ut æftate febres putridæ, autumnio biliofæ, cholera, dysenteria, & eodem modo morbi hyemales, & vernaes etfi non femper in iis aliquid epidemici annotare licet, fporadicæ ægritudines, quibus dominantis febris genius fe nonnunquam jungit, hunc vel illum affligant; fic hinc inde etiam vigentem conftitutionem pituitofam ab humo-

bb) L. c. Tom. 2. p. 85.

rum: liquatione comitatam fuisse vidi. Imo evenit aliquando, ut putridæ hæc febres simul malignæ fuerint indolis. In binis, quorum alter paganus erat, & medicinam sumere recusabat hocce observare mihi contigit, altera, cujus, historiam in medium proferre liceat, urbana, nutrix erat.

Hæc aliquot ultra viginti annos nata habitu corporis aliquantum tumido, obeso, cæteraquin sana, neque impurioribus humoribus scatere visa, postquam suam prolem per anni dimidium fere lactaverat, concredita est illi nutritio infantulæ cujusdam. Toto lactationis tempore, quum ab amissione se delusam videret, diuturno mœrore afflcta erat.

Diebus 24. 26. &c. Maji mensis tertiana simplici prehensa est. Febris emeticis, solventibus & leniter purgantibus fugata fuit, & convalescere videbatur; ita ut, ulterius adhibere medicinam, & diæteticis vescendo pingua & carnes infumatas, sese adstringere recusans regulis, denuo nutricis vices subiret.

Die 18vo Junii postquam alumnam suam per annum jam lactaverat, conquestam de summa capitis debilitate, præcordiorum anxietatibus, virium defectionibus, leves horrores caloribus intermixti illam crebris ad vomitus sti-

mulis prehendebant. Pulsus erat parvus, & celer. Lingua glutinosa, & mucosa sorditie obducta. Oris sapor pravus. Alvus per quadri-
duum compressa. Urina tenuis. Vigiliis vexa-
batur, & interdum delirabat. Ob saburræ pi-
tuitosæ ad precordia orgasmum, ea, quæ vi-
tiosos istos humores educerent, non sine utili-
tate me adhibiturum existimavi. Solventibus
præmissis, emeticum propinatum vomitiones
multas pituitosas, & dejectiones foetidas effe-
cit. Usus horum remediorum vero parum sa-
lutaris compertus est. Tarda enim & debilis-
sima manebat ægra. Insomnia & inquietudine
laborabat. Horror & æstus alternabant. Pulsus
erant debiles, celeres, tremuli. Urina nunc
pallida, nunc turbida. Lingua sordida. Manus
& lingua tremebant, & tendines in carpis sæ-
pe subiliebant. Ceterum nullo dolore vel siti
afficiebatur. In tristi hoc rerum statu per se-
ptimanam versabatur ægra, de die per aliquot
horas lecto adstricta. Per totum hoc tempus
indocilis ægrota remedia ex cortice peruviano,
vel spiritui Mindereri, vel camphoræ, vel sa-
li ammoniaco maritato, interpositis eccoproti-
cis lenioribus, aut non assumpsit, aut quid-
quid ori inditum est, non deglutivit.

Die 28vo graviore morbo facto, lecto

defigebatur, pulsus debiles exigui perseverabant, caput temulentia, & stupiditate quadam gravabatur, sudores breves, frigidi, inæquales emanabant, & per intervalla delirabat. Lingua mucosa in medio sicca erat. Siris nulla. Somnus nullus. Auditus obtusus. Urina pallida. Accedebant spasmodicæ faciei contractiones, alternique genarum æstus & frigora.

Die 29^{to} dejectiones alvinæ involuntariæ fœtidæ cum summa virium prostratione. Delirium mite cum inquietudine, pervigilio, sudoribus frigidis & glutinosis. Extrema frigebant, & facies rubore, & fervore omni momento suffundebatur. Manus & pedes spasmodicæ affectiones renebant. Monita ægra de gravi morbo, morte certissime subsequutura, remedia, & alia quam quas jam præscripsi, desiderabat. Iniecita ideo fuere enemata ex chamomilla cum camphora, & præter decoctum ex cortice peruviano, addito elixirio vitriolico, inter potum dabatur elixir vitrioli, & pulveres ex moscho, camphora, & serpentaria, & vesicatoria furis adhibebantur.

Die 30^{mo} maculæ floridæ rubicundi coloris, petechiales, pulicum moribus similes in collo, pectore, & abdomine, intermixtis exanthematibus miliaribus tam rubris, quam albis,

cum sudoribus acidis profusioribus erumpebant. Lingua arida, tremula, & nigra erat. Pulsus vix perceptibiles, & quandoque elatiores facti, denno subsidebant. Oculi tristiores, & surdiores aspectu erant. Facies cadaverosa. Urina crassa, turbida. Stupida & clamore vix emota, non distincte respondebat, ii) Membrorum frigus tactu percipiebatur. Sequebantur deliria fugacia, & obscuriora circa res consuetas, tendinum tremores; & subsultus, alvi sedes, inficia ægrotæ, putridæ, & inter potandum sonora deglutitio observabatur.

Tentata sunt varia adhuc excitantia, antispasmodica, alexipharmaca, & anteputredinosa. Sed in cassum erant omnia. Accedebant convulsiones cum tremoribus, & tandem inter profusiores circa caput & collum sudores apoplectico modo 3tio Julii vitam finiebat.

Si omnium concurrentium symptomatum Συμφορῶν perpendimus, ac antecedentes causas pressius paulo examinamus; manifestum erit, nostram ægrotam duo morborum genera, pitui-

ii) „Vocis defectiones in febre, quæ convulsions speciem prae se ferunt, & in mentis emotionem cum silentio desinunt, perniciem ostendant.“ Coac. 248.

tosam saburram sociatam sibi habentium, simul infestasse; præter putredinis signa enim ex vitiosa hac colluvie primarum viarum originem trahentia, simul aderant symptomata nervosa, quæ illi, quæ aderat, putredini non respondebant, & quæ certe a putredine, quasi vera & unica causa, derivare non possum.

Solidis torpescentibus, animo infracto, & demisso prædita, febre intermittente corripiebatur; mature quidem petiit consilium, & aptis propinatis medicamentis, febris quidem emanavit; variorum vero alimentorum ingestio, imprimis scilicet duriorum & ex victu animali, ubi viscera digestionis inservientia, jam debilitata fuerint, digestionis negotium denuo offendit, & corporis humores ad putredinem disposuit. *kk*) Præter hæc & alvus, & forte transpiratio suppressa, *ll*) & aestas, *mm*) putridæ corruptioni ansam præbere potuit.

Nulla enim alia apparens putredinis causa aderat, nullus tunc temporis morbus putridus

kk) Conf. cl. V. SWIETEN Tom. I. p. 116.
& cl. QUARIN de curandis febribus p. 48.

ll) V. SWIETEN. Tom. 2. p. 139.

mm) „ Morbi, quos aestas & autumnus gignit, septici quid, maligneque ferunt, aut in malignos facillime mutantur.“ STOLL. l. c. T. I. p. 33.

graffabatur, ubi ex epidemico contagio originem traxerit morbus, quum mitior epidemici morbi genius, quem aestas exceperat, tantam humorum dissolutionem non effecit. Complicationis suspicionem movere poterant, imprimis symptomata nervosa, a morbi invasione statim conspecta; in humorum resolutione, in morbi vigore potissimum sese manifestante, certe non quærenda; eamque confirmabat, inhærens nervoso systemati debilitas ex diuturna & frequenti animi tristitia, ex morbo prægresso, & constitutionis epidemice conditio, quæ huic nervosarum febrium generi favebat, atque in vegetioribus febrem simplicem gastricam, sub nimia autem laxa corporis conditione gastrico-nervosam accendebat. Præterea testantur optimorum practitorum observationes, febres putridas absque contagio non tam gravia symptomata nervosa conjuncta habere, sicut febres putridæ, quæ ex contagio originem ducunt. *nn)*

Evenerat denuo in hac ægrota cacochyma & imbecilli, quod non raro in complicato morbo medico occurrit, & in præcedentibus aegris accidit, ut nonnulla scilicet ex indican-

nn) Vid. cl. SELLE. pyretolog. p. 168.

tibus inter se contraria, & oppositam sibi mendendi rationem postulent. Dejecta enim vitae vis, & nervosi systematis symptomata, unice ab alienatis ad ventriculum & intestina delatis humoribus ortum suum non trahentia, evacuantia non permittebant; quum vero orgasmus fomitis corruptæ maxime urgeret, & liquationis putridæ rudimenta nondum apparerent, illi initio morbi præ alia satisfacere conabar indicationi. Nihilominus tamen corruptæ illius materiæ resorptione in sanguinem præcavere non potui. Vires maxime prostratæ tunc erant erigendæ, humorum putredo jam coepta corrigenda, & per varia corporis colatoria educenda. Hinc & pro indicantium varia ratione naturæ molimina observando antiseptica, excitantia & antispasmodica, solventibus, sudoriferis mixtis, & catharticis interpositis, præscripta sunt. Quæ cum respueretur contumacissima ægrotæ, & cuncta in pejus ruerent alia quidem exoptavit medicamenta, & varia etiam sumit stimulantia, alexipharmaca, anteputredinosa, ex quibus elixir vitrioli, oo) aqua diluta,

oo) Non possum quin magnæ illius differentiae inter acidum vitrioli & elixirum vitrioli mentionem faciam: non in omnibus enim putridis fe-

præcipue placuit; at pertinax nimis, & insuperabilis nervorum systema afficiens latens causa, & humorum resolutio fuit, ita ut 15to morbi die extincta sit.

Febris nervosa pituitosa cum vermibus complicata.

Quanta ex vermibus in alimentorum canali hærentibus oriantur mala, experientia abunde docet, & ex epidemia verminosa, quam cl. vanden Bosch observavit, satis cognita sunt: non paucos hic mihi observatos casus possem referre, in quibus sopores, stupores, desipientiæ, convulsiones, & alia inde originem tra-

bribus indiscriminatim adhibenda sunt: multoties in putridis febribus celebratur acidum vitrioli, quod hic certe non conduxisset, nisi calida medicamenta, ut aromata illa calefacientia, quae fossilis huius acidi frigidam qualitatem emendant, qualia in elixirio vitriolico sunt, simul coniuncta fuissent. Idem etiam valet de reliquis medicamentis; evacuantia enim, cortex, diaphoretica, vesicantia, camphora, aliaque, quae omnia a tot magnis viris in putridis febribus laudantur, haud sine ullo discrimine adhibenda sunt. Qui plura de his scire cupit, adeat cl. SCHROEDER. l. c. T. II. de febrium putridarum differentiis, & cl. SELLE l. c.

xisse vidi. Quis mirabitur itaque, ventriculum & intestina occupantes vermes, & varias ad febres accedentes, omnia graviora atque atrociora reddere symptomata? Unicum ejusmodi complicationis exemplum etiam hac æstate vidi.

Juvenis quidam, qui superiori anno febrem inflammatorio-biliosam cum exanthematibus miliaribus passus est, & quem curæ atque sollicitudines multum exagitaverant, 22 annos natus, male sani corporis habitus, lucri percupidus, atque negotiando sibi victum parans, sub finem mensis Julii tempestate tepida & pluviosa frequentius æstuans, primo Augusti die cum levi horrore, calore, nausea, lassitudine, vertigine, capitis dolore, aurium sussurru, sudoribus colliquativis male se habere cœpit. Lingua sordida, pituitosa. Arteriarum pulsus parvi, frequentes & celeres. Pharmaco salino usus, exacto nychthemero, medicamentum vomitorium sumsit, quod multam pituitam excussit. Vespero quum nulli secessus, inditum enema est, quod plurima mucosa subtraxit.

Subsequenti nocte inquietudines, vigiliæ, angustię, jactationes, atque subdeliria.

Accesserunt tertio die singultus, tremores, sudores inæquales, genæ fugaciter rubentes, & arteriarum pulsus intermittentes.

Præter pulveres e moscho & camphora, emplastra vesicatoria suris imponebantur.

Medio die excruciaci abdominis dolore coepit aeger, & vomitu spontaneo longum teretem vermem, qui sub nomine lumbrici venit, ejecit.

Vesperis non amplius singultiebat, pulsus naturalibus parumper celeriores, neque intermittebant, & levare modice videbatur aeger.

Die 4to nauseosum, lingua trementi, subrubida, sicca, pulsu celeri & languido inveni. Alvus suppressa, dolorosa. Urina clara. Enema imperavi, a quo multa mucosa secesserunt. Decoctum ex radice valerianæ, cortice peruviano, adjecto spiritu Mindereri, revomuit.

Die 5to propinatis hesternis, & aliis pharmacis ex camphora, moscho, serpentaria, ipso opio, & vino, malum nihilominus increvit, & omnia sursum vomitu ejiciebantur. Somnus nempe erat turbatus, noctes inquietæ, similiter & dies. Miti delirio desipuit, & sudores habuit breves, inæquales & frigidiusculos. Pulsus nunc parvus & tardus, nunc celer & frequens, calor inæqualis, auditus difficilis, & animus inquietus. Oculi fulgebant, apex nasi aurisque extrema frigore afficiebantur, sponte

nil desiderabat, & animi deliquiis corripiebatur. Alvus pigra persistebat, quæ, enemate injecto, sollicitabatur, quod præter mucosa aliquot vermes subtraxit.

Die 8vo, quum ad hanc usque diem non nihil obambulet, & extra lectum in sella consideret, lectum deferere non potuit, & cum nonnunquam cubitu surgere moliebatur, in dorsum relabebatur. De morbo interrogatus bene se habere afferebat, etsi totis artubus tremebat. Ab assumtis medicamentis nil solaminis habebat, quum maxima ex parte nauseosus fuit, & vomitu rejecit.

Circa vesperam accedunt deliria mitiora, arteriarum pulsus exiles, inæquales, deglutitio difficilis, *pp*) extrema frigida, coma vigil, tendinum subsultus, universi corporis convulsiones, & media nocte mors.

Licet non dissimulandum singultum, aliave symptomata ex parte a vermibus excitata fuisse; plurima & singularia hujus morbi sym-

pp) „ In febre vexato, collum repente perversum, ac vix deglutire posse, nullo existente tumore lethale.“ Aphor. 35. l. 4. sect. 7. & Coac. prænot. 277. „ Per febres repente strangulari, & devorare non posse, citra tumorem malum est. “

ptomata, sedulo inter se & cum reliquis comparata deficientibus putredinis aliisve manifestioris causæ indiciis, occultioribus ex originibus hanc febrem generatam, vermes symptomaticæ instar affectionis huic supervenientes hunc morbum comitatos, & ex hac fonte originem non traxisse, nos certos reddidere.

Animi affectibus nervorum systema lacessentibus, quo tristitia, metus, cura, divitiarum augendi cupiditas referenda, diætæ erroribus aliisque ad morbum suscipiendum disponebatur, quibus perspirationis impedimento, aliisve forinsecus advenientibus causis, febris excitabatur.

Demiratus sum in hoc aegrotto, qui in primo morbi stadio viribus adhuc ita valere videretur, ut solus electo surgeret, ab aliis parum sustentatus incederet, staret; accedente vero secundo morbi stadio, non sufficientibus ad coctionem viribus necessariis, absque ulla crisi malignis affectionibus apoplectico modo exstinguebatur.

Variolæ cum febre nervosa.

Ratione febrium variolas concomitantium, nunc mitior, nunc periculosior morbi decursus est; longe disparem enim observamus variola-

rum decursum & eventum, quibus febris inflammatoria adest, quas febris putrida comitatur, quando biliosæ indolis est, quando cum consuetis nervosæ febris symptomatibus morbus incidit, aut denique vario modo complicatæ conditionis sit. *qq)*

Facile hinc patet, magni momenti in variolarum curatione esse, si hæc bene distinguantur, & ad ipsam conjunctam morbo febrem curatio dirigatur; integrum mihi itaque sit, quasdam addere historias variolarum cum nervosæ indolis febribus conjunctarum.

Puella annos circiter septem agens, 3^{mo} Decembris die 1784 moerens, impatiens de capitis lumborumque dolore multum conquesta est. Versus vesperam horror incurSAT, quem aestus excipit levis pulsu celeri & debili.

Die 1^{mo} Jan. Nox erat insomnis, inquieta. Modice incaluit. Vehementior capitis, lumborum, & artuum dolor. Animus tristis. Lassitudo magna, ita ut erecto capite sustineri non potuerit. Urina pallida. Lingua albida.

qq) Conf. cl. SCHROEDER. l. c. dissert. circa variol. distribut. ratione febr. cum &c. resp. cl. FEIN, & cl. HUXHAM. l. c. dissert. de variol. T. 2. p. 121.

Nausea, & vomendi conatus. Dato emetico, multum evomuit, dejecitque, nullum vero in modum levatam vidi ægrotam.

Die 2^{do} Jan. Præter auctam debilitatem & suspiriosam respirationem, symptomata eadem.

Dum variolæ hoc tempore epidemice grassabantur, & nunquam antea has passa erat ægrotata, hunc morbum in ægrotata suspicabar. Methodum vero universalem antiphlogisticam hic non locum habere, sed ad vires languentes excitandas, sic dictis alexipharmacis hic opus esse, & regimen calidius observandum existimabam. Vesicatoria suris apponebantur, & emulsio camphorata propinabatur.

Die tertio, quarto, & quinto Jan. Cæteris manentibus, æstus & horror alternabant, accessere & deliria mitiora, & breves sudationes.

Die sexto tandem cum universum corpus spectarem, in pectore, dorso, & lumbis maculas pallidas videbam. Symptomata vero non erant levata. Pectus enim adhuc erat oppressum, inquietudo magna cum artuum tremore. Omni bihorio sumsit pulvisculum ex moschi granis duobus, camphoræ grano uno, & sacchari granis decem. Potus erat vinum aqua æquabiliter dilutum.

Die 7^{mo} Jan. Tota præcedente nocte in-

quieta & vigil erat. Exanthemata numero quidem aucta sunt, & in collo & facie etiam prodibant, sed erant depressa & pallida. Pulsus languebant. Vinum, & potio ex radice valerianæ, cortice peruviano, additis aliquot camphoræ granis, exhibebantur.

Die 8vo Jan. Nova pustularum copia erumpebat. Ob pectoris oppressionem, anhelosam respirationem, amplum pectori imponebatur vesicatorium.

Die 9no Jan. parumper sese elevabant, sero limpido semiplenæ.

Die 10mo Jan. confluebant, & maturationem aliqualem assequi incipiebant. Urina turbida, at feculenta erat, & alvus sponte sua respondebat. Corticis peruviani decocto spiritus Mindereri addebatur. Potionibus theatis ex floribus sambuci oxymel squilliticum adiciebatur.

Die 11mo Jan. oculi clausi, febris moderata, copiosus ptyalismus.

Die 12mo nox tranquilla, manuum tumor.

Die 13tio salivatio parca, alvus fluens.

Die 14to Jan. exanthemata ubique incrustata exarescere, atque indurari incipiunt.

Die 15to tandem & sequentibus diebus vario-

variolae exarescentes decidere incipiebant. Sudoribus nocturnis madebat, & per omnia bene habebat, ita ut cibum appeteret. Per aliquot septimanas, interpositis lenioribus eccoproticis, in usu corticis peruviani perrexit, sanaque evadit.

Atmosphæaræ conditio, & epidemica constitutio quidem talis erat, ut ad inflammatorias febres excitandas prona esset, *rr*) & omnes, qui hoc tempore variolis decumbebant, diathesin sanguinis inflammatoriam conjunctam haberent, ubi nonnunquam plus minusve corruptæ, & vitiosæ materiæ biliosæ complicationem vidi.

Tales variolæ validiorem febrem comitem habere solebant, & jam secundo vel tertio die erumpebant; nullis vero periculosis vel severioribus symptomatibus stipatæ erant, quando justis auxiliis antiphlogisticis inflammatio imminuebatur, aegri sæpius electo eximebantur,

rr) Morbos, qui hiemali præsertim tempore oriuntur, ad inflammationes pertinere iam HIPPOCRATES noravit, cum inquit in aphorismis suis lib. 3. n. 26. „Hi me morbi laterales pulmonum, inflammationes, lethargi, gævedines, raucitas, tussis, dolores pectorum, laterum, & lumborum, capitis dolores, vertigines, & apoplexiæ.“

& ubi ad excretionem præparata & mobilis fuerit materia aliena vomitu expellebatur. Pro varia autem aegrotantium corporum conditione maxime discrepante incedebant cursu. Nostra enim aegrotata pallida & laxiori corporis habitu prædita, //) inflammationi creandæ quam maxime obstabat.

Febris exigua exacerbationes habuit suas incertas, perinde ac febris nervosa. Pulsus debiles. Renes pallidam urinam secernebant. Septimo a suscepto contagio die maculæ prodibant, primo in pectore, dein in facie apparebant. Nulla erat ab eruptione symptomatum levatio, lente & difficiles sese extollebant, tenuissimum humorem continebant, nec decenter maturefcebant, quam imperfectam maturitatem copiosiori salivæ affluxu optimo cum successu supplebat provida natura.

Infans triennis (aliis tum jam in eadem domo variolis decumbentibus) a primis fere cunabulis malesani corporis habitus die 16to

ss) Huc spectant, quæ leguntur apud cl. HUXHAM. l. c. Tom. 2. p. 133. „ Quando homines fibris laxatis debilibus, & tenui meroque sanguine præditi, aut qui paulo ante magnas perpeffi sunt evacuationes, variolis infestantur, ne lancœlam applices, si aegroti vitam servare velis.“

Jan. 1785 lassitudine, nausea, vomitione, & levi febris correpta erat. Lingua albida & fordidā. Vomitus spontanei, arte concitati, pituitam educebant.

Die 17mo Jan. hebes & comatosa jacebat de nisu adorientium variolarum suspecta; de eventu admodum anxius eram & malum exitum ominabar. Epispastica plantis pedum applicabantur, pro potu serum lactis vinosum dabatur.

Die 18vo belle se habere videbatur, sicut cibum appeteret.

Die 19to pulsus citior. Tussis sicca. Urina pallida. Cutis arida. Alvus adstricta clystere sollicitabatur.

Die 20mo pallida facie, pulsuque parvo & debili, & sopore profundo decumbit. Vesicatoria suris apponebantur, & emulsio cum camphora adhibebatur.

Die 21mo absentibus signis latentis in ventriculo saburræ multum vomuit magna cum anxietate, atque inquietudine.

Die 22do hic & illic stigmata pauca & distincta, intus quasi cohibita & depressa deprehendi. Circa vesperam tremores & tendinum subsultus, Præter camphoram moschus dabatur.

Die 23tio tremores silebant, & jam aderant copiosiora stigmata.

Die 24to in pustulas exiguas sunt elevatae.

Die 25to multo plures pustulae visibiles sunt, quae aqueam recludebant materiam, & in medio concidentis fuere. Extrema frigebant. Extractum corticis peruviani & vinum adhibebatur.

Die 26to in corpore universo confluebant, & subinde quaedam pustulae ruptae materiem tenuem fundebant.

Die 27imo tota facies, flavida crusta tecta, apparebat. Alvi dejectiones copiosae, saniosae. Sequebantur tremores, sopor & mors.

Epidemice tunc temporis regnantes variolae putridae febrem indolis ex vitiosae bilis fonte originem trahentem conjunctam habebant. Nulla vero in nostra ægrotâ ad putredinem dispositio aderat. Pulsus celer & debilis, urina pallida, horroris & æstus alternationes, sitis defectus, & tarda eruptio veram malignae, vel nervosae febris indolem denotabant.

Deficiebat ætuoſitas illa naturæ ad elevandas, ac maturandas pustulas, licet vis vitæ alexipharmacis adjuvaretur, similibusque in casibus maxima cum utilitate talia exhibita fuerint, quæcunque tamen artis conamina eludit ac aspernavit natura.

Ex his itaque videre est, in omnibus va-

riolarum speciebus adeo hodie celebratam antiphlogisticam methodum commendandam non esse, interdum symptomata adesse, quæ calidam, quæ antea in curandis variolis in usu erat, exigere videntur, atque ad febrium discrimen variolas concomitantium magis, quam ad reliquas differentias attendendum esse.

Quemamodum in variolis, sic etiam in morbillis, ad eam, quam conjunctam sibi habent febrem, respiciendum est; quum pro varia ægrotantium conditione, pro anni temporum, tempestatum diversitate, & pro varia epidemica constitutione, diversa facie se sistit hic morbus, & subinde ad febrem nimirum moderandam venæ sectionem, & pro circumstantiarum ratione etiam iteratam, quandoque, nulla morbillorum ratione habita, bilis viciatæ & humorum putredinis oppugnationem, nonnunquam vero, ut nervorum infirmitatem, febrimque languidam, nervosa sua indole satis conspicuam, cardiacis & alexipharmacis suscitamus, exigit. Morbilloso complures autumnis 1784 curavi. Ordinarie præ aliis febribus morbillos potissimum biliosas, quibus nonnunquam aliquid phlogisticæ diathesi sese associavit, adamasse, observavi. Plurimis os amarum, ructus amari, lingua sordida, pectoris oppressio, ca-

lor magnus erat; emetica, salina, nonnunquam & phlebotomia cautissime instituta, optimum præstabant auxilium; debito enim & regulari tempore prominebant, opportune exsiccabant, & sine ullis difficultatibus morbus feliciter solvebatur. Nonnullis, etsi perpaucis, infirmiori corporis habitu præditis, exceptis. In his enim non ita morbus procedebat, ex languidiore naturae motu exanthematum eruptio retardabatur, & septimo vel octavo nimirum die primum circa humeros, & pectus, dein in facie prodibant morbilli. Animus tunc ab epidemica constitutione avertendus, & ab omnibus, quæ evacuationem moliuntur, medicamentis, nisi necessitas urgeret, abstinendum erat.

Duo hujusmodi aegrotantium exempla narabo.

Inter tres pueros, qui Septembri mense 1784 morbillis corripiebantur, unus erat pallida facie, octo annos natus, qui tussi sæpius laborabat. Is octavo Septembris tussicula, sternutatione, atque vomitu corripiebatur. His supervenere frequentes horripilationes cum intermixtis caloribus, cephalalgia, oculi lacrymantes, noctes inquietæ. Ob albidam linguam, vomendi conatus, & ciborum fastidium emeticum propinatur. Infirmitas, quæ primis die-

bus ægrotum adhuc ambulare sivit, augebatur, deliria mitiora symptomata priora comitabantur, & spasmi tenebatur. Pulsus erant parvi & celeres, urinæ tenues. Vesicatoria furis, & emulsio cum camphora adhibebantur. Octavo tandem morbi die morbillorum eruptio contingebat, qui maculas pallidas circa humeros & pectus sese exserentes, referebant. Nulla tamen symptomatum fit levatio; tussis humida cum pectoris oppressione, & difficili deglutitione valde torquebat. Vires vitæ languebant, & artus tremebant. Præter gargarismata ex decoctis leniter mollientibus, & syrupum pectoralem ex oximelle squillitico & sulphure antimonii aurato, pulveres e camphora & antimonio diaphoretico non abluto exhibebantur. Efflorescentiæ, inter quas quædam rubræ, aliæ pallidæ conspiciebantur, nunc magis erumpabant, atque unam cuticulæ partem post alteram occupabant. Facies refertissima erat. Sub finem quarti diei ab eruptione incepta exsicari, atque desquamari incipiebant morbilli, tussis & pectoris oppressio nonnihil remittebat, cutis mollis & humida fiebat. Mixtura diaphoretica ex spiritu Mindereri & aqua florum sambuci confecta, lenem transpirationem, quam natura civerat, promovit, qua febris solveba-

tur. Nihil incommodi, præter tussim molestant & viriæ debilitatem, remansit, protracto vero corticis peruviani & lichenis islandici usu, adjecto oximelle squillitico convaluit, & evanuit tussis, quam postea nunquam expertus est æger. 11) Advocabar septembris mense ejusdem anni ad aurigæ cujusdam filiolum quinque annorum.

Mater narrabat, quod jam diu sanitatis incommoda persensisset puer, quum pallidus, emaciatus, sæpius diarrhoea corriperetur, & abdomen expansum haberet.

Præsens malum initium cepit cum vehementi aegritudine, & assidua in somnum pro-

11) Gravioræ & pertinaces post morbillorum desquamationem remanentes tussæ cum parca & tenaci exspuitione, neque solventibus stimulantibusque perdomandas; imo etiam exasperatas, lichenis islandici usu oppugnatas vidit doctissimus vir MARCUS HERZ in secunda epistolarum ad medicos sylloge. Statim vero summo iure subiungit idem cl. vir, quum non semper una eademque morbi conditio sit, temperamentum aliquod, & summam cautionem in huius usu adhibendam esse, & exacte satis explicuit, & ex collatis suis observationibus, & chemica huius remedii analysi optima & lectu dignissima tradidit præcepta, quando & quomodo tam in pectoris, quam in reliquis morbis iuvare possit.

pensione, cita & suspiriosa respiratione. E naribus tenuis humor exstillabat, qui crebras ciebat sternutationes. Oculi tumentes atque lacrymantes erant. Febris non erat magna. Quandoque etiam delirabat. Accedebat nausea, & omnium eorum, quæ assumebat, vomitus. Producebantur hæc symptomata ad septimum usque diem, quum convulsionibus corriperebatur. Quibus sponte desinentibus, macularum eruptio pallidarum, mollis pulicum referentium, modicissime elevatarum, circa femora, ventrem & pectus prodibant.

Quum nunc primum 17mo Septembris, postquam evanisset efflorescentia, aegrotum viderem, continua diarrhoea plane confectus jam succumbere videbatur. Nullum febris præsentis criterium ex pulsu desumere potui, quum adeo langueret, ut arteriarum ictum vix explorare potuisssem. Extrema levioribus convulsionibus infestata, frigebant. Quo in statu cum deprehenderem aegrotum, fricationes, epispastica crutibus, & vesicatoria suris adhibita sunt, adsumsit & pulveres ex moscho, serpentaria & camphora confectos, præter hæc vinum, & laudanum liquidum Sydenhami, cujus guttas sex ad decem propinavi. At non obstante efficacissimorum remediorum usu, misere sequenti nocte suffocatus periit.

Has quod attinet observationes, ex symptomatibus satis perspicuum esse suspicor, graviora symptomata, quæ morbillosos hos comitabantur aegrotos, nulli certe sanguinis abundantiae, nulli alienæ circa præcordia materiæ, nec minus humorum pravæ qualitati sive putredini; nervosæ vero verosimillime perturbationi, a morbillorum seminio inductæ, tardam ultra consuetum terminum eruptionem debilitatæ nimis naturæ, alvique fluxum in secundo aegrote acri materiæ morbillosæ, intestina irritanti, adscribenda fuisse. Falleretur itaque sane, qui nullo modo febrem respiciens, omnium morbillorum curam una eademque ratione absolvere vellet.

Binas, quas observasse mihi contigit circa phrenitidem historias, adnectere mihi liceat.

HISTORIA I.

Femina, 50 circiter annos nata, a curis, atque animi pathematibus variis, tristis, cogitabunda, gravi moerori immersa 23tio Augusti 1781 meam petiit opem.

Ante annum, postquam ab aliquot jam septimanis mariti valde amati mortem flevisset, curru, quo vehebatur, in itinere subverso, ca-

put ad lapidem graviter alliserat, indeque offi frontis super oculum sinistrum aliquot pollicum longitudine, quasi cultro dissectum vulnus inflatum erat. Ab eo tempore vertiginosa, & capitis dolore vexata erat.

Per quatrimum ad minimum jam leviter febricitabat, desipiebat, & minus appetebat.

In lecto nunc decumbens aegra summe languebat, de doloribus per thoracem & præcordia querebatur, madore frigido perfundebatur, & noctes cum multa jactatione insomnes transigebat. Arterias debiliter admodum & inordinate se vibrabant, urina intense rubescebat, & sedimentum lateritium præcipitabat. Alvum dejecit, neque gustu depravato, neque nausea vel vomitione afficiebatur. Cum autem linguam inspexissem, multo albido muco, nulla siti urgente, obducta erat. Mixturam ex sale medio præscripsi, qua dejecta sunt pauca excrementa. Nox insequens irrequieta fuit.

Die 24. Augusti pulsu celeri, duro, & plenissimo plurimum desipuit, sanguinis uncias decem illico detrahi jussi, qui nulla crusta phlogistica tegebatur. Exhibebantur portiones cum copioso nitro, & alvus clysmate movebatur.

Vesperis ejus diei reversus aegram modo huc, modo illuc, se jactantem & furiose deli-

rantem, ita ut alias placidissima femina adstantibus timorem incuteret, sudore perfusam inveni. Tendines tremulo subsultu affectos, & pulsum debilem vibrantem observabam. Multum mihi tunc dolebat animus de sanguinis evacuatione, a qua nihil emendatam, quin potius omnia deteriora vidi; vesicatorium latum & magnum ad nucham applicandum curavi, & pulveres, qui largiores camphoræ doses continebant, tertia quaque hora repetendas, præscripsi. Noctem inter furias exegit, identidemque e lecto exiliebat.

Die 25to August. mitius delirabat, interrogata non respondebat, & alloquentem respiciebat. Labia ad sermonis speciem movens mussitabat. Pulsus humillimi, tendines salientes, sudores exigui. Urinæ & linguæ conditio me latebat. Remedia eadem. Sub noctem subriguit, postea subsecutum est ferox, & perpetuum delirium, sublata respuit, & protervum responsum dedit.

Die 26 August. quodammodo quieta & minus furiosa erat, ita ut interrogata, licet inepte responderet, subinde ingemiscebat, & respirationem suspiriosam edebat, sudore tota nocte profuso madebat. Pulsus frequentes, debiles, lingua sicca, albida, urina clara ac re-

nuis. Oblata denuo sorbebat. Alvo obstructa, enema imperabatur. In potus locum serum lactis vinosum dabatur, & spiritus Mindereri, cui camphoræ scrupulum, spiritum vini solutæ, admistum fuerat, præscribebatur. Nox vero deterior erat, recrudescebant enim symptomata, & plus quam præcedenti nocte sæviebant. Respuebat quæcunque eidem offerebantur, perpetuo sese jactabat, & vociferabatur, tendines saliebant.

Mane 27mo furioso delirio manente, & pulsibus creberrimis humilibusque, vesicatoria duo ad internas tibias applicabantur. Circa meridiem symptomata plurimum levabantur, mitius delirabat, & absque furoribus diem exegit. Exacerbationes solitis horis non recrudescebant. Noctē sudore universali, & calido perfusa, placide dormivit.

Sequente mane 28vo quietius quidem habebat, sed obscure adhuc desipiebat. Pectoris angustia, languore universali, levibusque tremoribus corripiebatur, & sudoribus multis perfundebatur, linguæ major humiditas, pulsus molles, languidi, urina vero multum tincta, nullum sedimentum deponens. In virium languentium subsidium chinæ decoctum, adjecto spiritu Mindereri, adhibui. Noctū plusculum deliravit inter exiguos sudores.

Die 29^{no} Aug. eadem manebant symptomata, indeque, ut persisteret in usu corticis peruviani, iussi.

Die 30^{mo} Aug. per intervalla delirabat. Præcordia dolebant, atque contenta erant. Alvus per aliquot dies constipata a propinatis pulvisculis e rheo movebatur. Nocte placide peracta.

Die 31. Aug. Tussis pertinax, pauca tantum sputa egeruntur. Exhibebatur sulphur antimonii auratum & oximel squilliricum. Urinam etiam copiosam cum laudabili hypostasi innatanti reddidit. Sequenti mane a delirio, tussi, dolore, reliquisque symptomatibus plane liberatam inveni, & repetitionem corticis ter quaterve in die ad septimanam mandavi.

Ad hunc usque diem optima utitur valetudine, nisi quod ex aëris mutatione levem sæpius capitis dolorem patiatur.

HISTORIA II.

V Irgo quædam annos 24 nata, mensibus paulo copiosius purgari solita, post moerorem longum terroremque multum sub initium Octobris 1782 febricitare incipiens, de gravi capitis dolore conquerebatur. Alimentum omne

fastidio ei fuit, & somnolentia identidem premebatur. Tendinum subsultibus aliquoties inter dormiendum, nec non levi delirio nonnunquam tentabatur; laborabat etiam dyspnoea & praecordiorum anxietate, de ambulatione quamvis lenissima palpitabat cor.

Haec fere a sex diebus invaluerant symptomata.

Sed die nono Octobris media nocte intenso corripitur delirio. Appetente aurora adveniens, horrendum in modum deliram, inquiete e loco in locum se jactantem, fastidiosam, sponte vomentem deprehendi aegrotam: aliquando praeter morem hilarior evadebat, atque ridebat. Non multum tamen febricitabat, pulsus enim protinus exploravi admodum debilem, celerem & interdum inaequalem. Lingua non admodum sicca, sed humida, subalbida; alvus clausa, cutis uda, levibus sudoribus perfusa.

Enema imperavi, & vomitorium ex tartari emetici granis tribus, & aquae fontanae unciiis quatuor cochleatim omni quadrante horæ sumendum, donec vomitus sequatur. Ter vomuit, & semel deiecit. Noctem inter furores transegit.

Die 11mo Octobr. plurimum febricitavit.

Pulsus citati, fortiores, & pleniores hesterno die. Perparum sanguinis, quem postidie & colore & consistentia sanorum quam simillimum inveni, detrahendum, & duo post venæ sectionem vesicatoria ad suras ponenda curavi.

Nocte inter tremores, & musculorum faciei contractiones per aliquot horas dormivit.

Die 12 Octobr. mitius delirabat, urina, quam toto decubitus tempore nondum inspexeram, pallida. Pulsus debilis & celer. Propinata sunt remedia ex camphora & spiritu Mindereri. Noctem inter deliria & largam diaphoresin exegit.

Die 13tio Octobr. continuat diaphoresis; cætera ut pridie. A meridie vero subito totum corpus, comitante delirio furioso, convellitur. Vesicans ad nucham, & pulveres e moscho & camphora confecti, adhibebantur. Subsequenti nocte perpetuo delirabat absque convulsionibus. In eodem fere statu mansit nunc mitius nunc intensius delirans ægra ad 16um. Tunc cepit ubique sudoribus copiosis persundi cutis, parum aut nihil amplius alieni locuta est, placide dormivit, & integre convaleuit. *uu)*

Ani-

uu) „Convulsio in febre suborta, febrem primo die, aut postero aut tertio finit.“ in Coac. prænot. n. 137.

Animo meo penitus tunc infederat adhuc opinio omnem phrenitidem in cerebri vel membranarum illud involventium inflammatione, sive hoc primario vel secundario affectum sit, consistere, donec magnorum virorum auctoritas, qui aliunde eam arceffebant, & oblata occasio ex natura rei petita hanc cogitationem aut prorsus negligendam, aut saltem addubitandam, docuit.

Lubenter concedo, ex hinc, quæ observavi exemplis, non ad omnes concludendum esse phrenitides, & varias phrenitidis esse posse causas, sicuti compluribus cl. Stoll comprobavit exemplis. vv)

In utroque vero casu nulla cerebri & meningum inflammationis, nulla fordiū circa præcordia collectarum, si nillive materiæ indicia erant, & quaecunque prodibant symptomata (quanquam phænomenorum rationes scrutari, quod neminem latet, haud facile sit) hujus modi erant, ut a nulla alia scaturigine, quam a nimia nervosi generis sensibilitate petenda essent, ita ut inde concludi possit, dari etiam phrenitides, quæ unice a nervoso systemate

vv) L. c. Tom. 3. p. 147. de sede & causa phrenitidis.

pendere videantur, ubi, licet attentissima observatione, nihil quod proximæ causæ vice fungatur, detegi possit in corpore.

Prædisponens causa in nostris ægrotis, etsi quæ excitarunt hanc causam, non patebant, neminem latebit, qui, quantam animi affectus nervis inducere valeant mutationem, consideraverit. A mœrore phrenitidem natam notavit celeberrimus Boheravius, quam in Vidua nobili cl. præceptorem vidisse narrat cl. ejus commentator, imo ad credendum sum inclinatus, hanc ipsam phrenitidem, quam refert cl. van Swieten ab omni inflammatione alienam, & nervosam (venia sit verbo) potius fuisse; quum paulo ante dicit: „quandoque subito in nervum erumpit diu suppressus mœror, licet nulla alia causa accesserit. Vidit hoc in Vidua celeb. Boerhav. &c.“ Imo meminit phrenitidis idem cl. de Swieten: „quam Hippocrates in Dealcis uxore ex mœrore vidit. *ww*)“

Initio leviter desipiebant, *xx*) inopinato ferocire incipiebant. In prima ægrota delirium

ww) L. c. Tom. 2. p. 585.

xx) Hinc „in phreniticis omnia circa initia sedate & moderate se habere“ ab HIPPOCRATE dictum est. Vid. eius Coac. prænot. n. 92.

ferox, perpetuum non erat, sub vesperam enim semper recrudescebat, noctu gravissimum erat, mane remittebat, donec quarto a furoris exordio die sedabatur. Non tamen ideo a morbo prorsus liberata erat, sed supererat adhuc delirium, præcordiorum dolores, aliaque symptomata, donec largiore bonae urinae copia febris plane tollebatur.

Alteram per septimanam ferox delirium afficiebat, non semper tamen illa ferocia aderat, & aliquando nullis certis ac statis horis alligata remissior erat, donec una cum morbo omnia symptomata per aequales & copiosiores sudores evanescebant.

Corollaria ex historiis praecedentibus derivata.

Febris maligna & nervosa, cum in utrisque febribus nervosum systema ob vitium aliquod ipsi inhærens idiopathice afficitur, quo facile a reliquis febribus, quae sedem ibi non habent, ubi nervi modo symptomatice afficiuntur, & a sanguinis corruptione, sive abundantia, vel primarum viarum vitiis aliisque proximam ducunt originem, sejungitur, cum in hac nulla perspicua causa percipitur, unus idemque morbus est.

In curatione hujus febris ob defectum plenariæ cognitionis proximæ ejus causæ, rationalis therapia vix quidem prostat; curationis tamen cardo in eo potissimum versari debet, ut curationis sciagraphia per indicationes reddatur, observando naturæ molimina, perscrutando & cognoscendo ægrotantium virium, & imbecillitatis æstimationem; ita ut nunc perspiratio, datis lenissimis diaphnoicis, æquabilis conservetur, nunc spasmi antispasmodicis mitigentur, nunc vires vesicantibus, camphora, γγ) aliisque erigantur.

Damnanda vero, qua iteratis venæ sectionibus, emeticis purgantibusque exanimis curantur ægroti, methodus.

Nec minus dubito, rationalem medicum ex commendatis specificis remediis multum solatii capturum esse, quæ jactantur enim de potu Caffæ, febre nervosa laborantibus propi-

γγ) Cl. HOME in eius Clinische Versuche &c. p. 38. camphoræ usum in nervosis febribus non modo perstringit, verum etiam reprobatur, cui tamen, reclamitante experientia, assentire non possum. Id tamen dictum esse velim binis ægrotis, qui phrenitide laborabant, & in quibus summa nervorum fuit sensibilitas, summo fuisse hocce remedium adiumento. Quaeritur itaque, utrum potius in excessu sensibilicatis, an in torpore & languore medicina sit salutaris?

nando, vetularum magis, quam medicorum fidem mereri videntur. 22)

Corticis peruviani usum præter indicantia, & absque necessaria cautione adhibere semper timui; & cum definitum plenarie adhuc non sit in his febribus, sub quibus indiciis cortex sit salutaris, vel noxius, minime laudanda videtur ejus administratio, quando morbifica materia nondum sufficienter sit soluta, quando respiratio difficilis, lingua valde sicca, rigor, & symptomata nervosa valde urgere videntur, sputa e pectore educenda, neque minus sub ipsa febris exacerbatione.

Quoad opium in febribus nervosis, etsi a multis laudari in hac febre video, a) & ad nimiam sensibilitatem, & deliria sedanda, & vigilias arcendas nil utilius convenire videtur, libenter tamen, nisi diarrhoea nimis profusa incidit, abstineo, quum non raro, quod optimorum practicorum observatione satis constat, in quibus ægrotantium constitutionibus (institutis licet evacuationibus necessariis) vigilias, corporis jactationes, atque inquietudi-

22) Conf. cl. JEITTELS observat. med. p. 27.

a) HOME l. c. p. 60. & CAMPBELLS Beobachtungen über den Typhus.

nes adauget, & soporis statum producere valet. Præterea nervos debilitat, & coctionis, crisesque negotium, teste cl. Trallesio, perturbat, quando ita asserit: „Crisis est evacuatio cocti non assimilandi, fitque per sputum, per vomitum, per diarrhoeam, per urinam, per sudorem; sed opium suppressit omnes excretiones, excepto sudore, atque observationes practicæ abundant infaustis exemplis salubrium illarum excretionum, quæ criticæ futuræ erant, quomodocunque suppressarum, irreparabili ægrotorum damno, quare merito de opio eas vere insita sua vi suppressante dicitur, quod turbet, & inhibeat crises in damna ægrotantium. b) “

Vesicatoria emplastra optimos præstant effectus, nec vituperanda sunt emetica morbi initio.

Victus ratio debet esse exquisita, non ita tamen ut in aliis febribus, neque antiphlogistica, nec minus acida e fossilibus educta, quum vim nerveam & irritabilitatem minuunt, vitanda; sed regimen paulo calidius observandum, & vini aliquid identidem permitti potest.

Interdum febris nervosa cum putridis,

b) De usu opii sect. 11. §. 12. p. 97.

gastricis, aliisque complicatur, unde difficilis morbi diagnosi, & dissensus medentium in definienda febrium malignitate, & diversa in curatione artis adminicula, siquidem conjuncta talis conditio, ad quam mentem non satis intenderunt; plerumque morbi initio leniora postulat evacuantia, quæ alias facillime nociva esse possunt, derivanda videntur.

Quoad decursum & symptomata, maxime gradu differunt ejusmodi febres, ita ut nunc lentæ & mitissimæ sint cum fugitivis deliriis, & parciore systematis nervosi perturbationibus, nunc graviores nervorum affectus, ut motus convulsivi, tendinum subsultus, aliaque animadvertantur, & interdum furiosa deliria, aliaque, quæ maximam nervorum sensibilitatem demonstrant, & summum malignæ febris gradum constituunt, observantur.

Sudor modicus, æquabilis, salutaris est,] immodicus, quoniam sine coctionis subsidio profluit, nullum levamentum præstat, copiosus vero, quum reliqua signa quoque votis respondent, diebus criticis optimæ notæ est.

Urina turbata, parumque secedens, nullum certum & absolutum coctionis signum, & materiæ morbosæ evacuationis exhibet, ubi febris, vigiliæ, aliaque symptomata majori

vel minori gradu pergunt, non desperandum autem recrudescentibus symptomatibus cum deliriis & convulsionibus.

Nulli signo solo redeuntis valetudinis fi-
dendum.

Nulla morbi solutio fit per hæmorrhagiam,
sive per alvi fluxum.

Salivatio non modo in febris simplici ner-
vosa, sed etiam complicata ut plurimum salu-
taris est.

Pulsus raro plenus, sive durus observatur,
sed plerumque inæqualis, parvus aut intermit-
tens tangitur, mollis vero atque æqualis post
criticam aliquam evacuationem, sive imperfecta
vel perfecta hæc sit.

Tussis & diffi-
cilis deglutitio non ab in-
flammati aliqua pulmonum, sive faucium parte,
sed ob impeditam respirationem, & faucium
contractionem a nervorum spasmodicis affectio-
nibus exoritur.

Nec minus præcordiorum anxietates, do-
lores, respiratio difficilis signa certa sunt alic-
næ circa præcordia hærentis materiæ, sed te-
stantur potius de nervorum perturbata fun-
ctione.

Surditas in hac febre pro nervorum affe-
ctione habenda, quæ neque alvi profluvio,
aliave excretionē sistitur.

Nunquam parotidum tumores in his febribus vidi.

Interdum latente tam proegumena, quam procatartica causa febris producitur. (Hïstor. III. pag. 86.)

Incertum morbi tempus est, in longum vero excurrens cum minori symptomatum vehementia, quam in principio, & denuo exacerbans, ut plurimum solvitur.

Quam lene etiam primum morbi stadium decurrit, de morbo leviori aut graviore non testatur, de repente enim in atrocius quandoque discrimen adduci observavi.

Periculosa metastases sunt, quæ ad pulmones fiunt, & mors expectanda, quando nulla sputi fit ejectio.

Aphtharum ad fauces depositiones non semper gastricæ sunt originis, neque minus gangræna, aut petechiæ (deficientibus reliquis putredinis signis) ab humorum putredine producuntur.

Mors in plerisque placida, alii cum anxietate, & stertorosa respiratione, spiritum effundunt.

FINIS.

